

持心梵天所問經卷第一

一名在通佛法諸經
又名佛說等佛諸法經

西晉月氏三藏生法護譯

明網菩薩光品第一

聞如是一時佛遊王舍城加隣竹園中與大比丘衆俱比丘六万四千菩薩七万二千一切大聖神通已遠遠得持持辯才無闕三昧已定慧无所畏曉了諸法自然之行得不起法忍其名曰薄首童真寶事童真寶印手童真寶首童真空藏童真發意轉法輪童真明網童真除諸陰童真一切施童真勝藏童真蓮華行童真師子童真月光童真尊意童真自嚴童真賢護之等十六正士賢護寶事恩施帝天水天賢力上意持意增意善建不虛見不置遠不損意善導日藏持地如是之類七万二千四大天王天帝釋帝釋翼從切利諸天焰天兜術天不憍樂天他化自在天諸天等梵身天及餘諸天并龍鬼神捷奢怒阿須倫迦留羅直陀羅摩臘勒人與非人悉來集會彼時世尊與無

持心梵天所問經卷第一 第二品

史數百千之衆眷屬圍繞而為說法於是明網菩薩即從坐起偏袒右肩長跪叉手稽首佛足尋時感動三千大千世界普雨雜花散衆會上白世尊曰惟問正覺愚癡所趣若哀賤者乃敢自陳佛告明網恣所欲問諸眩惑者如來至真當為解說說可令心明網菩薩得聽所發即白佛言唯然世尊如來儀像光曜難當起於日明億百十倍交顏威嚴而不可遠極上窮下無能諦瞻遙建所修莫能計量又我自念其有得見至真容體思察所行皆佛大聖威神所接有所興發輒到永安世尊告曰明網菩薩誠如所云見如來身必獲志願不失所僥若有所問亦復如是則謂明網衆祐有光名曰寂然言事假使衆生值斯光明見如來者觀察形色眼根明徹未曾暗冥又如來光名辯才無畏設值斯光堪問如來詰難所趣又如來光名積善德設值斯光能啓問佛轉輪聖王諸所德行又如來光名清淨了設值斯光能啓問佛獲致帝釋所因生事

持心梵天所問經卷第一 第三品

又如來光名遠威然銳設值斯光能啓問佛生梵天事又如來光名脫欲塵門設值斯光能啓問佛聲聞之乘又如來光名曰專一遵澹泊行設值斯光能啓問佛緣覺之乘又如來光名一切慧持讚容設值斯光能啓問佛大乘之慧正覺佛慧又如來光名曰樂持異步設值斯光如來遊步經行普獲安隱壽終之後得生天上又如來光名嚴一切清淨瓔珞如來入城若放光明設值斯光一切獲安應時彼城衆寶瓔珞自然莊嚴又如來光名壞除假使如來演斯光者感動無量不可稱限諸佛世界舉要言之復次明網如來光明名曰積安若地獄類值斯光者衆惱苦患自然休止又如來光名曰起慈若禽獸類值斯光者未曾與惡轉相危害又如來光名曰濟所造餓鬼餓倫值斯光者不復飢渴又如來光名曰離垢假使盲者值斯光明遠得眼目又如來光名曰耳聞值斯光者聾者得聽又如來光名曰有志設值斯光亂者得正又如

持覺天經卷第一 第四段 戒
來光名曰樂錠設值斯光自然改惡

修立十善又如來光名曰脫門值斯
光明令邪見者速獲正見又如來光
名曰趣天值斯光者令慳貪類好喜
惠施又如來光名無熱惱設值斯光
其犯惡者奉持禁戒又如來光名曰
持心諸瞋恨者速得忍辱又如來光
名曰慍懃其懈怠者速得精進又如
來光名曰正定其放逸者獲致禪定
又如來光名曰顯曜諸惡智者速得
黠慧又如來光名曰清澄其狐疑者
速得篤信又如來光名曰摠持其少
智者令得博聞又如來光名遵句跡
其無慙愧速得知著耻又如來光名
曰滅除其貪婬者涵釋情態又如來
光名曰安樂使瞋恚者無有怒言又
如來光名曰照曜令癡行者除去愚
冥又如來光名曰普存令等分行悲
捨等分又如來光名曰普現色身假
使衆生值斯光明見諸如來无央數
色不可計數百千形像
佛告明綱今吾為汝粗舉其要耳假
使一切若復過劫咨嗟講說如來光

持覺天經卷第一 第五段 戒
明論闡經法不能究盡如來光明光

明名号明綱菩薩白世尊曰至未曾
有天之天如來之身不可限量魏
魏之德不可思議隨宜方便敷演經
法昔所未聞今乃被蒙其有菩薩聞
說斯光名号歡喜而信樂者皆當逮
得如如來身魏魏具足又聞世尊演出
如來佛所有光名曰勸化諸所遊在
他方異國菩薩大士轉相誘進相誘
進已盡令來會於斯忍界其有菩薩
欲所諮啓便詣如來請問經教
尔時世尊見明綱菩薩所可諮請即
如其像放身光明普照无量佛土不
可稱限諸佛世界又其光明招請無
數億千菩薩尋會忍界於時東方去
是七万二千諸佛世界因名清淨佛
号月明如來其佛之土而有梵天名
曰持心菩薩大士而不退轉聖慧神
足力自娛樂時彼光明遍勸進已則
自往詣月明如來三真等正覺所稽
首礼足而白佛言唯然世尊欲至忍
界奉見能仁如來至真等正覺稽首
供侍諮受所問忍界聖尊欲得見我

持覺天經卷第一 第六段 戒
其佛告曰便往梵天宜知是時與无

數億諸菩薩衆尋至忍界又謂梵天
雖至忍界即當奉行十志性行何謂
為十當受言無言善聞惡聞善與不
善一而行悲哀二而等治療下賤中
上三若輕易恭敬則一心向四不見
他聞不求瑕穢五等以一味於若干
乘六而忍畏惡趣之聲七於諸菩薩
與衆祐想八於五濁世佛之國土想
九如見如來等正覺十是為十事佛
言梵天懷此志性可遊彼土於是持
心白其正覺我於佛前不敢發言為
師子吼不於緣行現奇特相唯欲淨
修志性之行等之定意乃遊彼土時
月明佛諸餘菩薩而歎頌曰吾得善
利唯然世尊為獲嘉慶不生彼界衆
生愚難等集乃然月明世尊告諸菩
薩詣於姓子勿作斯言所以者何於
吾之土設百千劫淨修梵行不如忍
界彼且至食不行害心斯為殊勝於
時彼土万二千菩薩俱擔願曰吾當
具足清淨志性各共侍衛梵天大士
造觀能仁如來至真等正覺持心梵

天即與二十菩薩如勇猛士屈申
 右臂斯頃之頃於其佛土忽然不現
 則立忍界奉見能仁稽首于地退住
 一面於是世尊告明細曰汝乃親見
 持心梵天乎對曰已見大聖即言斯
 持心者曉了方便諮啓幽滯分別尊
 法辯才善妙名冠開士眾會之取慈
 哀至誠道利勸化遊居所在多所悅
 可於時持心乃二十菩薩稽首礼畢
 繞佛三匝各以神力則化作座自履
 其上持心梵天又手白佛以頌讚曰
 其妙音聲 所在通達 威德流聞
 聞于十方 在所國土 見諸取勝
 一切咨嗟 大聖之行 我履異土
 清淨无垢 其界無有 惡趣之名
 尋而捨離 如斯佛土 修清大食
 故來到此 佛之聖意 無有損耗
 一切如來 皆悉平等 來今往古
 降伏志性 將護如是 諸佛國土
 振設異行 一切清淨 嚴修至戒
 常遵梵行 其懷害者 報之以慈
 心意如是 而有殊特 以能清淨
 三品之業 而順將護 身口心意

三趣之患 勤苦諸惱 現在為法
 皆以滅盡 若諸菩薩 其生於斯
 此等未曾 懷貯危懼 所造之業
 至於惡趣 上下道足 皆已斷除
 其有菩薩 心設患狀 將御擁護
 于斯正法 此等後世 所履之地
 不失其志 不離智慧 其欲斷截
 眾結之縛 假使淨除 塵垢之欲
 則當將護 佛土之法 則便起越
 至諸通慧 設異佛土 無數億劫
 執持正法 若講說者 不如忍界
 說經至食 是為殊勝 則第一尊
 吾亦親見 妙樂世界 及復省察
 安樂佛土 彼无苦惱 眾患音聲
 設若修善 不足為性 假使獨除
 眾塵室室 愚兒害人 常忍所加
 當以經法 勸化他人 今至上道
 此乃甚難 當稽首彼 无上之尊
 行于愍哀 脫勤苦法 斯未曾有
 如來所行 心懷毒者 開化以法
 設入眾會 則為導師 是菩薩者
 十方聞名 於法無量 猶如巨海
 故為彼說 斯佛之道 帝釋梵天

及護世者 諸天龍神 須倫真陀
 無數悉來 等集于斯 欲求經義
 從志解說 比丘立尼 清信士女
 普皆來臻 於此眾會 願佛為普
 講說經法 若有聞者 所趣吉祥
 假使志願 信好導師 聲聞之眾
 及與緣覺 能仁悉了 隨志化治
 惟為斯黨 史一切疑 今吾勸進
 詰啓法王 為眾生故 志求佛道
 其立佛言 而不斷絕 以修慈心
 為无量寶 假使十方 聞佛名德
 勇猛逮得 無量之慧 當為斯等
 說无此行 隨其眾生 所知志跡
 非諸聲聞 弟子之地 一切緣覺
 所不能及 余等信樂 取勝所度
 世尊之慧 不可思議 鄙自歸命
 於世導師 今願諮問 大聖此義
 假使有狀 心惡勞患 唯為解說
 佛之要道
 四法品第二
 於是持心梵天說此偈讚佛已長跪
 叉手前白佛言何謂菩薩志性堅強
 意不懈歇何謂菩薩所言柔和辭无

◇高麗大藏經◇

淨心大經卷第一 第十

熾熱何謂菩薩所造德本超諸衆生
何謂菩薩威儀安詳而不暴何謂
菩薩於清淨白法多所長益何謂菩
薩所至土地遊步究縛何謂菩薩在
於衆生行權方便何謂菩薩於彼等
倫分別教化何謂菩薩能護道心何
謂菩薩專在衆生心不憤亂何謂菩
薩務求善本存在法議何謂菩薩曉
了所念而不捨信何謂菩薩於諸塵
勞部分開化何謂菩薩所入衆會能
行權便何謂菩薩懷開法施流演剖
判何謂菩薩知報應力失德本者何
謂菩薩曉於衆生不起之慧六度無
極何謂菩薩暢達方便存於禪定何
謂菩薩於諸佛法而不退轉何謂菩
薩未常違疑諸佛言教

淨心大經卷第一 第二

謂為四菩薩專一以一人故分別諸
法菩薩專一不樂一切諸趣所生菩
薩專一讚揚大乘菩薩專一講說清
淨不失淨業是為四又有四事所造
德本超諸衆生何等四禁戒博聞布
施捨家是為四又有四事威儀安詳
而不暴何等四无利無譽无名無
苦是為四又有四事於清淨法多所
長益功德之本何等四具足行信勤
於他人假使布施不望其報將養護
法為諸菩薩廣說慧地是為四又有
四事所至土地遊步究縛何等四興
起德本棄諸瑕穢曉了勸助懇懇精
進是為四又有四事在於衆生行權
方便何等為四順從衆生勸化德本
悔過罪置解說佛事是為四又有四
事於被等倫分別教化何等四慰傷
人物習已安隱忍辱安詳謙不憍慢
是為四又有四事能護道心何等四
意常念佛一切德本至於道心習近
善文咨嗟大乘是為四又有四事專
在衆生心不憤亂何等為四不為聲
聞心若緣覺心求法無厭如所聞法

淨心大經卷第一 第三

為他人說是為四又有四事務求善
本存在法議何等四除去一切塵勞
之病猶如醫王順於德本而不違失
諸議道想滅群黎苦志泥洹議是為
四又有四事曉了所念而不捨信何
等四興不起忍超不滅忍忍緣起報
忍无所住亦無異心汲汲之事是為
四又有四事於諸塵勞部分開化何
謂四所念順議將護禁戒曉諸法力
樂處燕居是為四又有四事所入衆
會能行權便何等四志樂法議不求
他短而行恭敬無有憍慢求索善德
不為已施所造德本勸施他人是為
四又有四事恢闡法施流演剖判何
等四將護正法化已及彼使入智慧
修正士業示現塵勞瞋恨之結是為
四又有四事知報應力失德本者何
等四終不覩見他人瑕闕奉行慈心
攝諸瞋怒顯揚報應於諸法事常念
道心是為四又有四事曉於衆生不
起之慧六度無極何等四則以布施
如為慈黨并化他人曉了四恩化於
衆生好喜深法順於經典是為四又

有四事暢達方便存於禪定何等四
分別心事非福所趣勤力德本不捨
衆生修行摧慧是為四又有四事於
諸佛法而不退轉何等四將護無量
生死之患供養奉侍無數諸佛而常
遵修無限慈心曉了无際諸佛之慧
是為四又有四事未曾違礙諸佛言
教何等四不釋本慧言行相應指無
重貪若建立者度於本性是為四世
尊發遣說四事時二江河沙諸天子
等皆發無上正真道意五千人得不
起法忍此諸菩薩各從無數佛國來
會者供養世尊三千大千世界皆悉
周遍華至于膝

分別法言品第三

於是明網菩薩謂持心梵天曰仁者
乃問順妙尊議曉了菩薩方便之趣
佛分別說何謂菩薩有所問事而應
順議持心答曰等於吾我而問事者
為順議問等問他人行之所操為應
順也等問法像為應順也又明網不
計吾等不計他等不計法等是為應
順也其問起生其問滅盡若問處

所為應順也設有問者法无所起及
與滅盡處所之行為應順也若問他
人塵勞之欲若有問問諍顛倒為應
順也其問生死問度生死問於无為
為應順也其不問塵勞亦不顛倒亦
不生不死亦不度生死亦無泥洹為應
順也所以者何察諸法者亦不寂然
不除欲垢顛倒生死無為為應順也
其問所獲為應順也設復有問有所
造證若有約時有所除斷若有所行
為應順也若有所問所得受證衆想
之念不以約時而無所著无斷除想
亦無行見為應順也為一切故而發
是問心无所著志不存問為應順也
其有而問斯衆德善為如應順斯不
善德為不如應斯為俗事斯為度世
斯為罪事斯无罪業斯為諸漏斯為
所有斯無所有其有作是二事問者計
此一切為不應順也其不二事不見
二問為應順也其有若干視諸佛者
為如應順計法若干為如應順聖衆
若干為如應順衆生若干國土若干
為如應順這乘若干不想若干為如

應順法无所屬無有若干而問一法
為如應順一切法如應一切法无應又
問梵天何謂一切諸法如為應順一切
諸法為不應順答曰能分別者一切諸
法諸法如應假使心法其心猜進彼不
應順計一切法諸法相寂空無所有為
應順也其不欣樂寂然法者為應順也
此專精業所當造者斯在憍慢斯有
所作如斯行者亦復如忘又問何謂
諸法有所觀察答曰已性寂然離欲
之際為觀諸法又問梵天少有是類
了不應者不離於欲而順道議答曰
明網多族姓子族姓女不離欲際而
順如應道議之法今已入者甫當入
者則於其人不入智法亦无所得亦
無有人亦无當入所以者何大衆世
尊不有云乎其聞於佛所說法者
若行精進便當如說而奉行之終
不復歸於土地處所有所獲致其不
歸趣無復生死不至泥洹所以者何
世尊所了无有生死亦無泥洹又問
梵天佛者不度生死業而說法乎答
曰世尊寧復自說吾度生死乎答曰

持世菩薩經卷第一 第十法頌

不也故族姓子佛世尊者不捨生死
不求泥洹設有生死泥洹之想則不
度二彼無生死何所度者不得泥洹
所以者何不等生死至泥洹乎梵天
答曰亦不生死亦無泥洹也

於是世尊讚持心梵天曰善哉善哉
梵天欲有所說當作斯說乃為是說
說是應順語時二千比丘漏盡意解
梵天不復得於生死亦无泥洹如來
說言示有生死無周旋者亦无滅度
亦無所憂亦不見人有滅度者設使
梵天入此議者則於其人无生死法
無泥洹法於是衆會五百比丘即從
坐起私竊而去而說此言吾等見中
淨修梵行心自念言當得滅度而無
有人得滅度者空復志求學斯道乎
安成慧耶

於是明綱菩薩前白佛言唯然世尊
假使欲令法起生者則於其人佛不與
出彼不超度生死之難也天中天求
見泥洹故唯天中天所謂泥洹獨除
一切衆想之念亦不及於諸通慧
為殊異也若所釋是等比丘即為自

持世菩薩經卷第一 第十法頌

欺也天中天於正法律而行出家墮
外邪見而以志觀泥洹之慶辟如麻
油酪酥醍醐然即滅盡諸法世尊永
悲滅度其滅度者則謂之為甚慘
矣唯天中天其修行者則無所修逮
平等者終不造立所起之法及與滅
盡亦無有求欲得法者亦无平等
於是明綱菩薩謂持心梵天梵天說
此五百比丘聞而說法即從坐起私
竊去去知斯等類意之所趣何不入
法其有信樂若以度脫於諸見網持
心答曰族姓子汝往遊至江河沙等
諸佛國土劫數求索不能得難如是
像法亦无有脫辟如癡子畏於虛空
而馳迸走在所至趣不能離空此比
丘等亦復如是正使遠行不可稱限
空相自然无相之相亦復自然無願
之相亦復自然猶如復有第二士夫
求於虛空八方上下欲得於空心自
念言我欲得空我欲得空所欲遊至
口自說空而不知空言與其身行於
空中而不觀空如是族姓子斯諸比
丘求於滅度行於泥洹而求滅度不

持世菩薩經卷第一 第十法頌

解所入所以者何所謂言曰得滅度
者但假号耳猶如虛空若有行空經
遊虛空所言亦空其泥洹者假託言
耳於是五百比丘聞說是語漏盡意
解遠得神通各歎頌曰唯然世尊一
切諸法皆悉滅度假使有人求滅度
者則於其人佛不與世我等大聖非
為凡夫亦無所學亦无不學不生死
不泥洹無滅度法所以者何又諸通
慧我等已離所有道慧興諸佛法於
是尊者舍利弗謂諸比丘曰仁等已
得造立入於斯慧自獲利耶答曰吾
等已入造於塵勞而无所作又問何
故說此諸比丘曰唯舍利弗設斷塵
勞便入欲塵不欲滅度由是之故吾
等說言已得入矣造於塵勞而無所
作舍利弗言善哉善哉族姓子當咨
嗟之諸仁所立衆祐之地諸比丘曰
唯舍利弗仁者世尊亦復是卿不淨
衆祐何況我等至清淨乎又問此言
何謂諸比丘曰佛知諸法界本悉清淨
於是持心梵天白世尊曰唯然世尊
何謂世之衆祐佛告梵天不為世法

之所迷惑不耻世法又問世尊云何淨畢衆祐之事乎答曰若於諸法无所受故又問誰為世間之福曰乎答曰若有不失佛道故又問何謂衆生之善友答曰不捨一切群衆故又問誰於如來有反復乎答曰其不違教佛教命者又問何謂奉事如來乎答曰其曉了解不起際故又問何謂親近如來行乎答曰寧失身命不毀禁戒故又問何謂恭敬於如來者乎答曰設使行者將養諸根故又問何謂世間大財富乎答曰七寶滿具故又問何謂於世知厭足者乎答曰其已達得度世智慧故又問何謂曉了乎答曰其於三界悉无所願故又問何謂諫喻於世乎答曰其有休息一切結縛故又問何謂度世而安隱乎答曰其不貪者無受財故又問何謂不貪乎答曰无有陰蓋故又問何謂離於陰蓋乎答曰捨於六入亦無所釋故又問何謂已過乎答曰曉了道慧故又問何謂菩薩為布施主乎答曰勸化一切衆生之類入諸通慧心故

又問何謂禁戒乎答曰不捨道心故又問何謂為忍乎答曰見心滅盡故又問何謂精進乎答曰若求於心不得處所故又問何謂一心乎答曰心休息故又問何謂智慧乎答曰於一切法无音聲故又問何謂菩薩行者乎答曰不隨一切諸想行故又問何謂菩薩行者乎答曰無諸法念故又問何謂菩薩行者乎答曰不計吾我故又問何謂菩薩行者乎答曰不計彼我想故又問何謂菩薩博立篤信乎答曰不捨諸法清白故又問何謂菩薩博聞住空者乎答曰不荷切音聲故又問何謂為慈者曰曉了內法調除故也又問何謂為愧者曰不習外事故也又問世尊何謂菩薩普無不入於是世尊以頌答曰

其身清淨 不犯衆惡 口言清淨 常說至誠 秉意清淨 常行慈心 斯謂菩薩 普無不入 遵修慈行 不荷塗塵 專於哀行 无有恚言 加以仁護 無有愚癡 斯謂菩薩 普无不入 若遊聚落 閑居亦然

縣邑燕處 衆會無老 未曾違失 威儀札節 斯謂菩薩 普無不入 皆悉遍信 諸佛正法 又常樂喜 无我之典 悅喜聖衆 無所有議 斯謂菩薩 普无不入 脫於色欲 不知所行 度於瞋怒 亦無所度 曉了衆行 之所歸趣 斯謂菩薩 普无不入 亦不造著 於欲之界 不著无形 皆亦如是 斯謂菩薩 普无不入 信樂諸法 一切悉空 然而衆生 馳騁思想 由是之故 不盡諸漏 斯謂菩薩 普無不入 方便曉了 緣一覺乘 示以音聲 而教化之 於佛大乘 靡不達了 斯謂菩薩 普无不入 一切皆知 所當至處 未曾違失 導師之教 常行等心 於諸憎愛 斯謂菩薩 普無不入 未曾想念 過去之法 當來現在 亦復如是 一切遊居 无所荷著 斯謂菩薩 普無不入 於是持心梵天白世尊曰何謂菩薩度於世法不處世法現入於世度脫

◇高麗大藏經◇

持心梵天經卷第一 第三分 頌

衆生於世間法示現世間平等世法
因緣遊世雖處於世不壞世法不失
道法於是世尊尋時歎頌答持心曰
吾說世五陰於世无所著以不貪著世
不捨世間法菩薩能了彼解知世自然
諸陰為元本不著世間法有利若無利
老歎者誘毀有名若元名耻世若樂法
彼用大智慧雖遊於世法不見世所貪
道意不可動得利不以悅弃捐亦不感
堅住如太山無能動搖者老歎者毀譽
其志常平等名元名若樂堅住於等心
曉知世自然因從顛倒興不生於世間
明達獨遊步若入於世俗綜了所至處
是故隨習俗度脫衆生苦勇猛雖遊世
在俗如蓮化不破壞世俗分別了法性
假使行在世不分別世法故遊於彼間
究縛世俗相世相如虛空亦無處空相
已能解了此則不著世俗隨方俗所知
順而化衆生貫達世自然不毀敗於俗
設尤有五陰斯謂世自然其不勝了者
常倚於世俗若能捨諸陰不起無所有
雖現於世間於俗無所著其不了世法
熾然於諍訟斯虛妄元誠常之慶二相

持心梵天經卷第一 第三分 頌

吾未曾預世亦無所諍訟佛以是之故
部分自然法
法者无所諍諸佛之所說通于世平等
不虛無至誠兩舌若誠諍逮得於教命
假使為毒言與外道无異諸法誠審者
無實无有虛是故世尊說度世無二法
吾所達世惠斯為方俗法則无虛無實
見世之罪惡為世之光明逮成大名聞
佛所開了世清淨无瑕穢假有觀俗者
身以親自然則見等正覺現在十方者
知諸法因緣諸法無自然若割指因緣
則能綜理法其能解達法則能曉了空
設能解識空則能別導師設分別講世
而求於音聲雖行世間事不與世間俱
若聞於諸見一切不及此假名遊於世
而不著俗事佛滅度之後其樂於忍著
於彼佛現在導師之法身若持如此法
則為供養佛度世為世尊導師之所知
設譬魔波旬不能得其便若在於人間
廣說斯經者是當大智慧主布施一切
戒禁為具足曉佛導師者斯度忍方勇
遊步於精進聰達樂禪定分別於世間
說佛空元法其聞斯字類大士不復又

持心梵天經卷第一 第三分 頌

度道場降魔
解諸法品第四

佛復告持心梵天如來已度世間境
界示世俗教習樂於俗欲度於世樂
滅方俗是謂世間之五陰也其自念
言世我所度滅盡於世求於五陰遊
於道者則名曰二所慕之徑復次梵
天所以名曰五陰者何其五陰者方
俗言耳求諸見故捨受方俗其所見
者自然之想斯則名曰為滅盡也滅
盡向道不受諸見則為滅俗欲向正
道是故梵天佛說斯言世有三刺之
門及三重擔習俗於世滅於世滅盡
於世間而求度脫
於是持心梵天白世尊曰假使如來
說四諦事諦何所歸佛告梵天是為
苦諦習諦斯非聖諦是為盡諦向道
之諦斯非聖諦所以者何假使諸苦
為聖諦者一切牛馬驢驘犬豕畜生
伴黨悉獲聖諦若以諸習為聖諦者
一切五趣所生群黎當獲聖諦若以
苦盡為聖諦者一切衆生見斷滅事
便當悉除獲致聖諦至由道諦一切

有為惡當獲致賢聖之道勢力聖諦以是之故梵天觀察苦習盡道以為聖諦其有曉了苦無所起斯謂聖諦其人行習者不為聖諦其滅盡法不起不滅斯謂聖諦假使平等一切諸法而無有二等於徑路斯賢聖諦佛告梵天所以曰諦无有虛者何謂為虛自計有身而念有人而脩有壽而言有命著於男女倚於三有離於所有恃於所起依於所滅受於生死怙於泥洹是謂為虛此諸所受於諸所受無所依倚亦無所求斯謂為諦欲除苦者則名曰虛滅於習者斯亦為虛吾當盡證是亦為虛修行徑路亦復為虛所以者何佛所教化八道品者若四意止斯亦謂虛又問何謂佛之所教所當思者答曰無意无念一切諸法亦復如是斯乃名曰佛之所教所當思者為四意止則無所住不履諸想已不住於一切想者則住真際已住真際則無所住意无所履意有所住則為不實名曰為虛以是之故當作斯觀无實無虛乃為聖諦審者

為諦所謂諦者无所生無所諦如未雖興為無所起如來不住於法性及與泥洹也亦无生死常審諦定所以者何其聖諦者無有生死亦无泥洹佛言梵天若有順時證斯四諦名曰正諦佛告梵天將來之世當有比丘不能慎身不護禁戒不能制心不精智慧而當講說發生苦諦謂趣習諦馳騁於斯壞於三有諸所生處又說當求行於徑路是謂二諦馳騁其行是等愚騷吾則名之異學伴黨非佛弟子非我聲聞志趣邪徑破壞正諦而自放逸吾處道場佛樹下時不歸誠諦亦無虛妄佛於諸法亦无所趣以是之故求如來法勿觀二事勿言有二為二問也白曰不敢也天中天答曰是為顛倒迷惑之道不能獨除一切所趣於是持心白世尊曰如來之法而無顛倒亦无所得所以者何如來逮成佛時所号名曰平等覺者為何謂耶答曰於梵天意所察云何佛所說法為有為無為實為虛答曰為虛天中

无无所所有也安住至聖又問梵天其虛無法為有所住為无所住答曰天尊其虛無者亦无所住亦無不住又問云何梵天而於諸法亦不有住亦不無住大聖報曰云何得道答曰彼无得道告曰梵天如來坐於樹下處在道場曉了欲塵所處顛倒本常清淨空無自然所曉了者如无所了亦不不了所以者何以是之故吾所了法逮正覺者無見无聞無念无知無受无著亦無所趣皆以超越一切諸性無言无辭無字无句亦無言教如是梵天諸法如空而余欲得逮諸法乎答曰不也天中天又復世尊諸佛大聖甚不可及至未曾有具誠諦法諸佛世尊至有大氣分別曉了寂然之法而以文字為他人說其有信樂如來說法立諸德本具足所當斯等衆生則於諸佛无有罪咎所以者何一切世間悉共信之志無所著又天中天世人信法法是我所倚俗著法法无實無虛无法非法而世俗人依倚泥洹於斯察之無有終始亦无泥

持覺天經卷第一 第三段 頌

亦

恒俗倚善德无有善德亦無不善俗
倚安樂無苦无樂俗倚佛與佛亦不
生亦不滅度又復說法當得審諦顯
揚聖衆以無為事而為審諦其經典
者於世可信譬如假喻從水生火從
火出水患因緣合佛言如是覺了塵
欲則成佛道所由因緣所以者何如
來所因覺了塵勞成正覺者无違正
覺既有所說而不見色亦無所念亦
不造二亦無所證不得滅度亦无寂
然唯然世尊若族姓子族姓女設有
曉了信斯法者則能蠲除一切諸見
而得解脫當為稽首竭命作礼奉若
如來於過去佛已為造行則為善友
所見攝護志樂微妙殖衆德本已為
速得安諦之藏攬持法府則滅衆罪建
立道業則致貴姓抱持如來言教之
宗則為大施放捨塵垢則護戒力無受
欲力則致忍力無疆意勇力為精進力
而无懈厭為禪定力棄除罪業為智
慧力捨離邪見一切諸魔莫能迴動
仇敵怨讎無能得勝終不誑惑於世
間人所言至誠謹說曉了諸法本淨

持覺天經卷第一 第三段 頌

則為真實說究竟法則為如來之所
攝護則樂仁和遊居安慶則為財富
於賢聖業則知止足於賢聖行善見
長養慈愍供事則當見信度於彼岸
為志脫者而勗勵之樂得脫者即令
勉濟無所依者而使憑附樂无為者
從得泥日樂於道者為具數如慕越
越者而為示現又諸方術則為醫王
一切病者為設良藥致於智慧則為
力獲速獲勢勢以為歡樂得出自在
不依因人亦不從受無有恐懼衣毛
不堅如師子步致得妙乘為如神龍
安和其心猶如調象遊在衆中若如
神仙則致勇猛降伏怨敵遊于大會
志強无懼意果自恣而無所畏所說
正諦悉無有難蠲塵勞法如月盛滿
智慧光明如炬遠照如日之昇無所
不耀滅除衆害若如錠煉難於諸著
无有增減持行如地衆生仰治猶若
良田百穀滋殖洗一切垢僻若如水
滅除諸想猶若如火於一切法而无
所著猶若如風不可動搖如須弥山
志性堅強猶若金剛鐵圍之山諸外

持覺天經卷第一 第三段 頌

世

異學莫能當者聲聞緣覺无能及者
以法等味譬若如海則為度師蠲除
一切塵勞之渴慕求經法未曾厭足
則於智慧而無充溢則為聖皇而轉
法輪顏貌殊特如天帝釋心得自在
有如梵天演法雷震猶如天陰為雨
甘露如澍洪澤則得長益根力覺意
則得起度生死之患便得進入於佛
聖慧則得遠近致佛正道當獲博聞
無有倫匹以過於量悉无有量智慧辯才
而無等侶逮得持持志性堅強意遠聰
明觀群生性循觀諸法其志果暢常行
慈愍衆世間人已得起度世俗之事行
無所著猶如蓮華不為俗法之所染汙
諸明智者悉受敬之諸博聞者多信從
之為衆智士常所恭順諸天世人悉奉
事之諸禪思衆稽首為礼諸賢聖衆咸
來宗侍聲聞緣覺所共欽慕則好遠
離土地之行則無詭飾不貪利養威
神巍巍履賢聖跡端正殊雅色貌難
及威曜光光不可稱究則以相好而
自在嚴則能執持佛之言教則能順
護諸法訓典亦能獎濟賢聖之衆便

常速見諸佛正覺因當速成諸佛之眼而為諸佛所見授使則當獲致具足三忍尋當得坐於佛樹下便能降伏魔及官屬得諸通慧而轉法輪則能興發造諸佛事趣於深法不恐不畏不難不壞唯天中天吾於一切若復過劫空歎顯揚斯正士等不能究竟得其邊際所行至德諸佛之道深妙若茲難受難解不可親見難曉難了若有受持而誦誦讀便復奉行若能廣演普分布者於彼法說則能立眾第一萬信

佛告梵天仁所咨嗟諸正士者至真之德安能究盡不能及知如佛所究如來則以無聞之慧申暢其德余乃達了究盡之耳如來所說句議自趣斯諸正士患當了達而普順從不為逆亂所為至誠不為迷惑惑建正議志不馳騁於嚴饒事曉如應辭猶若如來所演言教譬若大聖講誡諦法又若如來所說法者復起於此嚴飭章句不能究盡竟了所有元備無逆元制無通余乃達誠而不放逸在於

嚴辭不備言辭之所知也設無言辭則是如來說法之辭如來所可講說經者方便宣法如來加以興元極食而為眾生敷陳經典佛告梵天假使菩薩能分別了如來五力所因療治是為菩薩則能建立造諸佛事又問世尊何謂如來五力所療大聖答曰謂法言辭入如應說善摧方便光顯於法不失句義分別道跡入於大哀佛言梵天是為如來五力所療一切聲聞緣覺之等所不能及又問世尊以何言辭如來演教世尊告曰過去當來現在之教欲塵之語顛倒之言世俗度世有漏無漏所著无著有罪無罪所有无有我人壽命建造證辟周旋生死滅度之辭是為梵天諸所言說斯眾辭者觀辭如幻無所成故觀辭如夢見無實故觀辭如響報應緣對聲故觀辭如影現緣合有故觀辭如鏡像照現故觀辭如形印之有故觀辭如燄顛倒見故觀辭如空所有盡故觀辭無言不可得故佛語梵天假使菩薩能曉了此諸法言辭是

菩薩者乃能講說諸法言辭又於諸法无所依倚以無所倚則能逮得无碍辯才以能逮得無碍辯才則能為諸聖聞之眾顯曜平等亦與同慶講說經法而不質閑於一切辭不壞法性遊諸言辭及所破壞悉无所倚設使梵天如來所說顯無言辭則為講法梵天欲知何所菩薩而於如來行誡諦事善摧方便于斯梵天如來於塵而現結恨又於結恨而現塵勞菩薩當曉了彼趣何謂梵天如來於塵而現結恨塵勞自然等无老特故又於結恨而現塵勞依於結恨而行惠施泥洹清淨謂諸愚癡不能曉了眾惱之患故又彼菩薩曉了所有布施之事後世大寶故則無所趣无所趣者則日無為禁誡泥洹患元所有亦無所行故忍辱无為虛無所有故精進无為遵修意故禪思無為无所悅故智慧無為逮得相故於欲難欲之本際者法性无欲故瞋恚本際計於法性無結恨故愚癡本際計於法性无愚癡故生死无為之本際者則

持心梵天經卷第一 第五十四節

無所生其無為者不倚生死至誠虛妄所見言辭虛妄至誠則致慢恣復次梵天如來次第而因真諦隨其因緣而計有常知有吾我則為闕除非議之事其邪見者而無為信與造及業令知反復去於无信悉除所顯邪見身者如來悉知便為斯等分別說之見所應者如來則為說誠諦教假使衆生棄捐貢高自大事者如來則以已誠諦教而講說之是為梵天如來至真至真言教菩薩於彼則當曉了斯方便行設使歸此一切所說權方便者如來興者便得解脫於非邪事而篤信者則見諸色之所報應而起衆生便因如來得解脫也若演法身便為如來真諦之辭解脫邪法而行篤信因法而度教文字者衆生之類不為說此解邪見法未曾信斯亦无所得亦無差別言有泥洹則為邪信處於顛倒塵勞無為无有滅度斯則為信而得解脫无所生法不壞諸法言有人者則為邪信入於寂然而欲度者便無有人其邪信者即

持心梵天經卷第一 第五十五節

自解脫真諦之事是故梵天於斯菩薩不能曉了真諦言辭權方便者於一切音無所恐畏為无量人衆生之類開道利義于彼梵天如來至真以何方便為衆生說法其布施者得大富有持戒生天忍辱端正精進復明若憚思者致悅不亂學智慧者滅除塵勞愛欲之著若博聞者疾速智慧行於十善乃得度天及在人間行慈悲喜護致昇梵天觀寂然澹泊獲果致逮學地得不學地緣覺之地清淨衆祐佛之道地所示現慧无有邊際等於泥洹滅一切苦佛言梵天吾則應時善權方便為諸衆生布告顯示如是像法如來未曾心懷衆想計吾我人壽命也如來所行亦無所得亦不慳貪亦无所施亦不持戒亦不毀禁亦不忍辱亦不瞋恚亦不精進亦不懈怠亦不憚定亦不亂意亦不智慧亦不愚癡亦无有道亦不滅度亦无所安亦无衆患佛言梵天教化衆生使令精勤專修奉行所因精勤專修奉行當入斯法如本志願

持心梵天經卷第一 第五十六節

或有獲致道跡往來不還無著至於緣覺若復得入逮成无上正真之道至無為度是為梵天如來至真善權方便而為衆生敷陳經典彼又菩薩當為衆生善權方便興設大氣常以正法而將濟之何謂如來之所說者法元有眼亦無有眼耳鼻口身意亦復如是元有脫者所以者何眼者則空而無有吾亦无我所則空本淨耳鼻口身意亦復如是彼則為空便無有吾亦无我所則空本淨佛言梵天是為一切悲歸脫門有所歸趣為之眩惑色聲香味細滑法其六事者亦復如是一切諸法皆悉為空无想無願无起無滅亦无有住亦不住所可謂者意不住生本淨自然澹泊寂冥佛言梵天如來一切悉以文字演為脫門或以等御癡騷之句普順文字心當觀之為真諦教如來一切所可分別悉至解脫敢可說者悉誠諦句如來說經無有塵勞所演法者皆无解脫歸滅度也是為如來所說典籍斯謂菩薩所當

學者佛告梵天如來至真以何方
便遍修大哀而為衆生講說法乎
如來則以三十二事有所發遣而加
大哀濟于衆生何為三十二無有吾
我於一切法令衆生類解信无身如
來於彼而興大哀一於一切法衆生
無受而反有人如來於彼興發大哀二
一切諸法則無有命而衆生反計有
命如來於彼興顯大哀三一切諸法
而無有壽而衆生反計有壽如來
於彼興顯大哀四一切諸法為無
所有而衆生反計有憂所如來於
彼興顯大哀五一切諸法都无所
依而衆生反有所倚者六一切諸
法悉為虛無而衆生反志有所樂七
一切諸法悉无吾我而衆生反計有
吾我八一切諸法悉無有主而衆生
反事志貪受九一切諸法悉无可受
而衆生反依倚形貌十一切諸法悉
無所生而衆生反著於所生十一一
切諸法悉无有沒而衆生反貪於生死
十二一切諸法悉無欲塵而衆生反沒
溺塵垢十三一切諸法悉无貪欲而衆

生反為所染汙十四一切諸法悉無志
慾而衆生反懷情結恨十五一切諸法
悉无愚癡而衆生反為之迷惑十六一
切諸法悉無所從來而衆生反樂倚
所趣十七一切諸法悉无所趣而衆生
反依于終始十八一切諸法悉無造行
而衆生反務建所修十九一切諸法悉
無放逸而衆生反馳騁縱恣二十一切
諸法悉為空靜而衆生反處於所見
三十一切諸法悉為無想而衆生反想
行為上三十二一切諸法悉無有願而衆
生反志于所僥三十三為遠離若干種
事有所受者世俗所怙瞋怒結恨所
獲患厭不與怨敵而集會也及諸不
忍處於仁和四遵修顛倒為世所習
遊於邪徑則能棄除所生之虞五彼
則無有審道所趣則為煩惱得于財
利世俗所依則而志慕一切資業當
以持制諸无厭欲即使具足賢聖之
貨信戒慙愧聞施智慧建立於此具
足七財六吾謂衆生為愚愛僕以無
堅要為堅要想財業家居妻子之娛
便无有安所以謂之為愚愛僕衆生

之類無有堅要為堅固想當為講說
計有常者為現无常七吾謂衆生求
財利業則為仇怨而反謂之為是親
友吾為建立顯親友行而為獨除勤
苦之患究竟滅度八吾謂衆生以反
邪業各各處於若干言教當為講說
清淨微妙无業之命分別說法九吾
謂衆生為諸塵垢而現汙染於家居
事多有患害擾攘之務而為說法當
今出去等度三界十處於所作一切
諸法因貪起住衆緣所處諸立之相
衆生於彼而修懈廢當為說法至聖
解脫勸令精進為度堅要而說經法
悉使獲安又如於是而復反捨无閑
之慧十一最尊滅度志于下賤聲聞緣覺
當為顯示微妙之行如來因此則於
衆生興顯大哀 佛告梵天是為三十
二事如來開導順化衆生數弘大哀
斯為如來謂行大哀佛告梵天若有
菩薩奉行於斯三十二事合集大哀
如是菩薩為大士者名大福田為大
威神樂於巍巍至不退轉為衆生故
而造立行佛說此大哀法門品時三

◇高麗大藏經◇

持心梵天所問經卷第一 第一 張 郭

萬二千人發無上正真道意三萬二千菩薩得不起法忍

持心梵天所問經卷第一

癸卯歲高麗國大藏都監奉勅彫造

持心梵天所問經卷第二

西晉月氏藏筆法護譯

難問品第五

於是明網菩薩白世尊曰持心梵天而從如來聞說大義所分別法不喜不感持心答曰設族姓子修知二行彼人則有歡喜愁感真際所慶永元二事由是之故不喜不感猶如幻師所幻奇異之術又彼化人所行而至無喜元感是族姓子已得遊入諸法自然之相自然觀於如來所現變化不喜不感如來所化聞於如來所說辯才不喜不感假使如是分別諸法一切如幻等無差特不於如來殷勤喜悅不於衆生有下劣意明網又曰仁者已解諸法幻相乎答曰族姓子假使有行諸法有慶乃能問斯又問梵天仁何所行答曰一切愚夫所遵行者吾之所設行在于彼又問愚夫行姪怒癡狐疑計身是吾軀體是我所有行在邪見云何仁者行在于彼答曰卿為欲令凡夫之士至無凡

夫成就法乎報曰吾不欲樂凡夫之事安當志于諸法成就乎喻族姓子一切諸法無所成就法无所住無積聚慶無有結恨无所志失亦無懷來報應不也答曰族姓子離姪怒癡不行諸法是謂為相有行凡夫斯賢聖行其有行者則興二事又族姓子一切所行為無所行一切所教為无有教一切所慶為无所慶一切所趣為無所趣又問梵天何謂一切所行為无所行答曰假使遵行億百千姓諸劫之教不知法性之所增減以是之故一切所行為無所行又問梵天何謂為一切所教為无所教一切所慶為無所慶答曰一切諸法如來所教如來所慶以是之故一切所教為无所教一切所慶為無所慶又問何謂一切所趣為无所趣答曰計無有人有所趣生以是之故一切所趣為无所趣亦時世尊讚持心曰善哉善哉若欲說者當造斯講於是明網菩薩問持心曰如向仁者所說一切愚夫所行吾之所修行在于彼設

如是者則為致行有所獲矣。答曰：豈可遊在所生致所行也？又問：梵天設不遊生焉？能教化於衆生乎？答曰：猶若如來之所化生，吾如彼生，又問：如來所化豈有生乎？答曰：寧有變現所當現乎？佛之境界，誰所興乎？報曰：有現所現，及與境界雖有所現，為無所現。答曰：吾之所生，當造斯觀，其所生者，因緣立界，又問：仁者，豈為因緣生死行乎？答曰：吾無因緣生死之行，又問：以是之故，何所因緣而緣境界有所恐懼？答曰：猶如因緣因緣，境界亦復如是。計無本者，无所退轉，於是者，年舍利弗前白佛言：唯天中天，假使有人而與斯等諸天龍俱入於言，碎獲福无量，所以者何？如今世尊，能得遠聞斯諸正士之所名号，為甚快矣。何况乃值講說法乎？辭如有樹生立於地而於虛空現于莖節枝葉花實，如是大聖斯諸正士之所行，相當作斯觀，住於諸法而現所生，終始存沒周旋往來，現諸佛土而以上妙如是，比慧无尋，辯才自在遊已，已見如是，智慧變化。

何族姓子及族姓女，不發无上正真道乎？今時會中有一菩薩，名曰普花，謂舍利弗：今者者，年豈不得入此法性乎？佛說者，年智慧寂尊，何故不堪如是，感動所變化乎？答曰：世尊，說余於聲聞上，知其境界，又問：衆可解說法境界乎？答曰：不也。又問：云何者，年有所講說，如其境界？答曰：如其所入，所說亦然，又問：昔年能令法性无邊際乎？而造證耶？答曰：如是，又問：何謂隨其所入，所說亦然？唯舍利弗，隨其所入之，所節限有所講說，節限亦然，則為限節，自縛法性也。其法性者，无有邊際，又問：普花，其法性者，无入相乎？答曰：唯舍利弗，假使法性无有入相，然於法性，無所入相，仁何因設殷勤法性，志解脫乎？答曰：不也。又問：若於平等，順如所入法性，亦然？答曰：普花，吾身欲見亦欲聞之。答曰：唯舍利弗，云何法性為有所念一切諸法，為有所說有所聞乎？答曰：不也。又問：仁者，何故說言，欲有所見有所聞乎？答曰：普花，世尊。

說曰：則有二人得福无量，專精說法，一心聽者，以是之故，仁者講法，吾當聽之。梵天又問：昔年豈能滅於思想，而思惟定聽於法乎？答曰：族姓子，其滅定者，無有二事，聽法之理，報曰：昔年舍利弗，身寧樂志乎？寂於本淨，及諸法乎？答曰：如是。族姓子，一切諸法，本淨寂滅，報曰：是故者，年舍利弗，不能堪任，常定聽法，所以者何？一切諸法，本悉寂靜。舍利弗，問：卿族姓子，寧能堪任，不從定起而講法乎？答曰：唯然。舍利弗，省察諸法，豈可獲乎？而仁說言，不從定起，能說法耶？答曰：不然。梵天又曰：是故仁者，一切凡夫，愚慧之黨，常得定意者，年又曰：凡夫愚慧，以何定意而三昧乎？答曰：一切諸法，而无所趣，斯曰：常定。又問：如是等，習凡夫愚慧，及與賢聖，無差別乎？答曰：唯舍利弗，誠如所云，吾之所察，又不欲令凡夫愚慧，及與賢聖，造若千也。所以者何？諸賢聖法，無所滅除，愚慧之法，亦无所興，猶法界等，以斯之故，无有度者。

持世菩薩經卷第二 第六段 頌

則復而問族姓子諸法無本為何謂耶答曰如青年身所分別知豈復與發賢聖法乎答曰不然又問仁為滅除凡夫法乎答曰不也又問豈復遠得賢聖法乎答曰不也又問寧復分別凡夫法乎答曰不然又問云何青年分別知時答曰如所聞法離於凡夫則為无本平等亦如無有解脫滅度亦如無本亦如答曰唯舍利弗其元本者無有差別不若干也其无本者無所歸趣所謂无本如無本者一切諸法悉入无本

於是者年舍利弗前白佛言唯天中天猶如大火熾盛赫奕无所不燒諸族姓子亦復如是諸所說法皆分別了一切法性處靡不盡世尊告曰然舍利弗諸族姓子講說法性如汝所云尔時明網菩薩謂舍利弗佛歎仁者智慧為尊歎於者年以何智慧答曰明網當知諸聲聞中倚于音聲但自照身而得解脫歎我於中而為尊耳不在菩薩而有智慧也又問唯舍利弗察於智慧有言相乎答曰不然

持世菩薩經卷第二 第七段 頌

又問其智慧者行不普乎不平等耶答曰如是誠如所云智慧平等又問何故諸法普等乃為智慧而反講說智慧之限答曰然族姓子智慧法性無有邊限繫在限者從其境界因本慧行而有所入又問仁之所知其無限者而可限乎答曰不然又問以何齊限而自繫闕有所說乎時舍利弗嘿然無言

於是賢者大迦葉承佛聖旨前白佛言唯然世尊明網菩薩何故号曰為明網也於是世尊見於者年大迦葉請欲令眾會德本具足告於明網汝族姓子自現本德所造之業而致淨光當為天上及世間人顯示曜曜今菩薩眾所為善本志純熟者或發道心使得精進明網菩薩聞佛音詔更整衣服便從右掌緣網指爪尋放光明通徹元量不可徧限照於十方諸佛國土無有邊際而悲普周一切元量不可計會諸佛世界地獄餓鬼畜生群萌盲聾瘡痂跛蹇疾病疔癰狂騷愚冥懷姪怒癡裸形不蔽若飢若渴

持世菩薩經卷第二 第八段 頌

若繫若縛貪負匱醜陋老耄年邁法應當死慳貪嫉妬犯戒瞋恚懈怠放意惡智無信而元博聞不知慙愧墮於邪見六十二疑生於八難不聞之慶悲蒙斯光尋時皆安時彼眾生則无貪姪不患瞋怒不迷愚癡無有結恨亦无熱惱當尔之時世尊之前諸來眾會菩薩聲聞天龍鬼神捷查怒阿須倫迦樓羅真陀羅摩睺勒比丘比丘尼清信士清信女普現一像悉為金色一切等現相好形容皆如如來普現一等元見頂相身如金剛一切盡坐自然蓮華珠交露帳眾寶之蓋一切悉等而无差別現自然身如佛元異一切色身悉獲安隱猶如菩薩速得三昧各興歡豫彼時眾會恠未曾有各各相見悉如世尊而无差別不復自觀疵瑕之體適放是光尋時下方有四菩薩自然踊出叉手而住各自念曰今者當礼何所如來空中有聲則語之曰明網菩薩殊特光明普令眾會悲現一色為如來像時四菩薩得未曾有則舉聲曰假令至誠吾等所

建如今所觀像色一類無異諸法平等而尤老別以斯真諦而無虛者吾等特當觀能仁佛瑞應之體設見如來當奉事之於時世尊蓮花交露師子之座去地七尺時四菩薩稽首佛足俱發聲言至未曾有天中之天如來智慧不可窮極明細菩薩本性清淨德願乃余演其光明令諸衆生咸容顏貌所現若茲於時世尊告明細菩薩汝族姓子還攝光明所顯弘曜以作佛事多所建立令無量人志于道心明細菩薩聞佛教命則還攝光應時衆會一切如故威儀禮節復現如前如來獨處於師子牀者年大迦葉前白佛言斯四菩薩從何所來四菩薩曰吾徒下方異佛界來又問世界所名答曰衆寶普現又問如來至真其号云何現說法乎答曰号一寶蓋如來于彼講法又問彼之世界去是遠近答曰世尊知之又問仁等何因至此答曰明細菩薩演放光明吾於本土見其光明下方佛國聞于能仁世尊明細之名故詣此土欲觀世

尊稽首奉事欲觀正士明細菩薩時大迦葉前白佛言衆寶普現世界一寶蓋佛土去是幾所佛告迦葉下方去此七十二江河沙等諸佛國土乃得衆寶普現世界一寶蓋佛所處此四菩薩從彼間來又問世尊幾如之頃乃達到此告曰一發意頃便來至斯迦葉白佛難及大聖菩薩大士所放光明神足望遠觀魏如是明細菩薩演其光明照遠無際斯四菩薩尋即至此其誰見是神足威變智慧所為而不願樂建立大乘世尊告曰如汝所云諸菩薩行不可思議聲聞緣覺所不能及也

問談品第六

於是大迦葉謂明細菩薩族姓子光猶若如來威容安顏紫磨金形衆會蒙曜色像普齊答曰唯大迦葉當問世尊而發遣之者年尋時前問大聖佛告迦葉明細菩薩得為佛時當余衆會悉紫金容威樂一義同心篤信達諸通慧無有聲聞緣覺之名純諸菩薩大士之衆迦葉白佛其有菩薩

生彼佛土便當謂之為如來耶世尊告曰如是迦葉如余所言便當謂之為如來也余時四万四千人皆發无上正真道意願生彼土異口同音僉共歎曰明細菩薩得佛道時吾等悉當生彼佛土於是迦葉復白佛言明細却後幾如當成無上正真道為最正覺乎佛告迦葉自問明細久如成佛當為汝發遣之者年迦葉問明細曰仁族姓子久如當成无上正真為最正覺乎答曰唯迦葉若有人問言幻師化人久如當成無上正真為最正覺乎以何答彼報曰族姓子幻師所化虛而無實何所答乎答曰如是一切諸法猶如幻化自然而成何問如斯仁當久如成最正覺又問云何族姓子猶如幻師所化幻者寂漠不可分別無有想念亦无言辭仁謂諸法亦如是乎以何限節利益衆生開導之乎答曰如道自然入亦自然如人自然幻亦自然如幻自然衆生自然如衆生自然諸法自然亦復如此唯大迦葉以計於斯不當觀採有益無

持世菩薩經卷第一 第一品 願

益亦不有利亦不无利無度不度又問不立衆生於佛道乎答曰如來之道有立想乎報曰不也是之故吾不建立衆生之類於佛道也亦不令志聲聞緣覺又問族姓子如今仁者於何所立答曰如無本立吾之所立亦復如是又問如无本者則無所立亦无退還答曰如是猶如無本而无所立亦無退還其无本者亦復如茲立无所立以是之故吾謂諸法無立無退又問明網仁者何以開化衆生而言无立無退還乎答曰其有解達志有所願微妙之事不化衆生其於諸法有退還者亦不開化又問卿族姓子不還衆生出生死乎答曰吾亦不得生死事亦無所見况還衆生又問仁者豈不化於終始展轉衆生之倫至泥洹乎答曰吾亦不得泥洹亦無所見何因勸化衆生類乎辭如族姓子設無始終不得滅度今何以故勸化開導无央數人行佛道乎斯等衆生不求滅度耶答曰假使菩薩若得生死者有泥洹也為身生想而言有

人以行佛道不可為菩薩不當謂之求於佛道也又問卿族姓子於何所行答曰吾身所行不行生死不行滅度元衆生想唯大迦葉向者問言於何所行如化如來之所行者吾之所行亦從于彼報曰族姓子如化如來不有而行答曰一切衆生相亦如是不當觀之而有而行也又問族姓子觀衆生行相如是乎何故衆生行姪怒癡其化如來无所染汙亦無結恨元所忘失是故者年今欲相問如其所知以報答之又如者年豈為有此姪怒癡乎報曰不然又問其姪怒癡寧為盡乎報曰不然假使者年无姪怒癡亦不滅除其姪怒癡徙者何所報曰唯族姓子愚癡凡夫處於顛倒思想衆念有所慕求應與不應則便習行於姪怒癡又諸聖賢則以法律覺了顛倒便不習行思想衆念元應不應則便無復姪怒癡也於迦葉言所憶云何其屢顛倒而生諸法徒致法耶因有所生為無所生報曰族姓子其不有生則元所生答曰唯然大迦葉

持世菩薩經卷第二 第二品 願

意趣云何其不有生無所有者寧有所生乎報曰不然答曰如是唯大迦葉其不有生欲令生者於何所生乎報曰不然又問者年為求所生緣是致生姪怒癡乎報曰不然答曰以是之故唯大迦葉何從得致姪怒癡乎衆生荷著致塵勞耶報曰如是如是族姓子一切諸法本為悉淨無姪怒癡答曰吾以是故而說此言一切諸法悉如幻化如來自然之相說是語時四万四千菩薩得柔順法忍

於是大迦葉白佛言其有目見明網菩薩不歸惡趣諸魔官屬不能得便假使有人聞說法者斯菩薩等終不墮落聲聞緣覺所處之地其見教授有所講者佛已歎於明網菩薩國土之德佛告迦葉明網菩薩所遊佛土則所遊處開化度脫无数衆生迦葉為見諸族姓子蒙光者乎答曰已見世尊告曰假使三千大千世界滿中芥子斯數可知別其多少明網菩薩所開化人立于佛道不可計量迦葉欲知明網菩薩假使衆生見其光

明以權方便而說經法又復迦葉聽
我所說此族姓子國土老特名德嚴
淨明細處所明細菩薩六百七十万
阿僧祇劫過是數已當得作佛号普
明變動光王如來至真等正覺明行
成為善逝世間解無上士道法御天
人師為佛世尊世界名等集殊勝適
詣佛樹則得為佛其佛國土元有諸
魔及諸魔天一切皆忘無上正真之
道其佛國土以妙梅檀而為土地世界
平正猶如手掌若網縵也其界眾生身
體柔軟土地和良安隱豈熱一切衆
寶合成佛國無沙礫石荆棘之穢元
有惡趣勤苦之患亦無八難不開之
劇其佛境界悉生蓮花斯諸蓮華悉
以寶成其花甚香若干種色世界廣
大東西南北不可稱限普明變動光
王如來有無央數諸菩薩衆隨其音
聲佛法聖衆威神變化已光在嚴遠
從持藏辯才无閼智慧名德獲大神
通降伏衆魔志意所遊常知著耻精
修聖明以慧教化佛言迦葉又彼佛
土不生女人一切菩薩生寶蓮花自

然長大斯諸菩薩以憐為食屋宅經
行床榻卧具宮殿浴池園觀產業辟
若天上其普明變動光王如來所講
經法无文字說唯諸菩薩蒙佛光明
遍照其身即便遠得起法忍光明明
消竭怨怒癡垢又其餘明至他佛界
消滅衆生色欲之塵令无瑕疵斯等
順律佛告迦葉其光明中自然演出
法門之音出三十二事何謂三十二
法空我淨一切見故諸法無想我離
想念故諸法无願我度三界故諸法
無欲我本淨寂然諸法无怒我蠲除
衆想諸法無癡我離諸幽冥諸法无
來我都無所起諸法當來我順於遊
觀諸法无住我為自然立諸法永度
我無去來今諸法无異我則為自然
諸法无生我為無報應諸法无造報
我無所興故諸法无作我因行而起
諸法無形我緣念而有諸法无貌我
離諸所生諸法審諦我覺了真實諸
法至誠我為同一等諸法無人我无
獲人故諸法無壽我為真究竟諸法
愚騷我不受教故諸法護視我蠲除

諸結諸法无著我為無熱惱諸法无
近我本淨無塵諸法一品我真際寂
然諸法澹泊我為一等定諸法住本
原我因對而發諸法無本行我而緣
破壞諸法等御法我一切普入諸法
无緣我不相雜錯諸法覺我順如所
現諸法無為我元衆事對佛言迦葉
是為普明變動光王如來光明出是輩
聲以斯光明而照菩薩因作佛事其
佛國土無有魔事无所妨礙佛言迦
葉又彼如來壽無有量
於是賢者大迦葉自世尊曰設使有
人欲取佛國當受清淨佛之境界亦
當如斯今族姓子即當具足一切普
徧佛言如尔所云從不可計億百千
娑諸如來所志願清淨
尔時持心梵天謂明細菩薩今者如
來受族姓子决乎答曰梵天如來皆
受一切人决又問云何授决答曰隨
其所作而受報應斯為受决又問以
何因故授報應决所以授於仁者之
父答曰梵天所謂緣者身无所作口
无言辭意不可見是為罪福之所作

持世菩薩經卷第二 第六品

乎報曰不然又問其佛道者有行相
乎報曰不然道無有形亦无所有道
即無名而无行相又問設無有行豈
可令道有行之貌而有獲乎報曰不
然是故梵天當作斯說設无所造無
有果報無有行貌无行貌性乃名曰
道猶如道者獲者亦如受使亦如
不以行貌而受使也又問族姓子
不行六度無極然後授使乎答曰如
是梵天行六度无極然後受使又復
聖賢捨一切塵是則名曰施度無極
設无所行無所造者是則名曰戒度
無極靡所不堪是則名曰忍度无極
假使澹泊是則名曰進度無極隨如
應住是則名曰寂度无極而悉曉了
是則名曰智度無極設令梵天若有
菩薩而奉行斯六度无極寧有行乎
答曰無有行也所以者何如應行者
設有行有所行者則无所行無所行
者斯乃為行答曰是故梵天當建斯
說無所行者則為道行又而梵言余
已受使至于道乎設使法性已無本
者斯无本者所見受使吾之受使亦

持世菩薩經卷第一 第九品

復如此答曰族姓子其無本者及與
法性悉無授使答曰授使之相亦復
如是猶如无本及與法性等無差特
於是持心梵天白世尊曰其菩薩者
為何所行而得受使至於无上正真
道乎佛告梵天假使菩薩所行不起
於行亦無所滅不行於善亦无有惡
不隨世行亦不度世無有罪行亦无
有福不犯於行亦無不犯元有漏行
亦無不漏元有造行亦無不造不為
有行亦不離行不尊修行不離專精
元斷除行亦無不除元生死行亦無
滅度無有見行亦无所聞無意念行
亦无所知而不行施亦無慳貪不奉
梵行亦无所犯而無忍行亦无不忍
無精進行亦无懈怠不行禪定無所
專一不行智慧亦无不智亦無造行
亦无所入佛告梵天假使菩薩所行
若茲如來則為受使矣當成無上
正真之道所以者何設使梵天應如
行者有所行者志有所造若行於道
而起想行若無想行而行於道有所
造行若无造行行於道者有所放逸

持世菩薩經卷第二 第十品

無所放逸有所戲樂无所戲樂斯為
道者則非道行以是之故梵天當知
莫作斯觀皆度一切諸所造行則為
菩薩乃得受使又復問曰唯然世尊
所謂授使而得使者為何謂耶世尊
答曰一切諸法除諸有二則名受使於一
切法而不造二則名受使於諸所起而
等泉色則名受使其身口意所為澹
泊則名受使佛告梵天吾自憶念往
古世時今時有劫劫名喜見而於彼
劫供養七十二娑諸如來等斯諸如
來不見授使復次有劫劫名善化于
彼劫中加復供養二十二億諸如來
等不見授使復次有劫劫名梵歡吾
於彼劫而復供養萬八千佛不見受
使復次有劫劫名欣樂吾於彼劫如
復供養三百二十萬諸如來眾彼如
來等不見受使過是然後復次有劫
名大演而於彼劫亦復興出八百四
十萬諸如來眾吾悉供養斯諸如來
以若干種隨其所安而奉進之又彼
諸佛不見受使佛告梵天今吾一劫
若復過劫說諸如來所有名号昔所

供養諸佛之數又復在彼淨修梵行一切布施所有供具靡不獻進遵一切戒而悲具足奉忍辱慈離於結恨慳慳精進一切所聞皆覽持一心定意所行寂漠坐而專思亦有講問音聲智慧斯諸如來不見受彼所以者何用所造行而有荷故梵天欲知當造斯觀皆當超度一切諸行斯乃名曰菩薩受吏然後值見定光如來尔乃獲致不起法忍定光正覺見授吏言汝於來世當得作佛号能仁如來至真等正覺明行成為善逝世間解無上士道法御天人師為佛泉祐當彼世時乃起衆行具六度无極所以者何皆悲棄捨一切想故是則名曰施度无極獨除一切所在緣使名曰戒度无極忍於諸性名曰忍度无極於一切行皆悲寂然名曰進度无極於一切念而無習行名曰寂度无極了本清淨不起法忍是則名曰智度无極見鏡光如來尋則具足六度无極吾初發意來一切放捨所可施與百倍千倍万倍億倍巨德万倍喻五

蓮花供養之德不可相比無以為喻從初發意布施知足奉禁順戒忍辱仁和究竟受耻堪任於法精進慳慳道修不倦揮定寂漠常无有著從初發意觀察智慧常不放逸計斯智慧諸度无極百倍千倍万倍億倍巨德万倍不可相比無以為喻是故梵天當造斯觀在彼世時尋即具足六度无極又問世尊云何具足六度无極大聖告曰不念於施不著於戒不想忍辱不專精進禪无所住智慧無二是為具足六度无極又問假使具足六度无極何所具足答曰設使具足六度无極便即具足於諸通慧又問世尊設具六度云何便具諸通慧乎答曰梵天若等布施則等諸通慧以等戒者則等通慧設等忍則等通慧如等精進則等通慧若等禪者則等通慧等智慧者則等通慧以能等此則等諸法便能平等於諸通慧復次梵天念具足施則具通慧念戒念忍念進念寂念慧念具足者則具諸通慧矣離諸通慧念斯名具足六度无極

俗諸通慧也如是梵天已能具足六度无極則便具足諸通之慧又問云何具諸通慧大聖告曰眼不受色耳不受聲鼻不受香口不受味身不受細滑意不受法其無有內亦无有外而不所由亦無所受亦不自念具足同辯諸通之慧已具足此名曰諸通慧眼不著色耳聲鼻香舌味身更意法而無所著以故如來慧无罣闕所見無限這諸通慧則復不受諸通慧也所以者何若欲成就諸通慧器則不成器而無有器已无有器則日暴露已能平等暴露行者為諸通慧斯無所受猶如梵天一切所為悲依倚空空无所倚一切悲達無所不知而志求荷諸通之慧如諸通慧无所倚求又問世尊諸通慧者為何謂耶何因名曰諸通慧乎世尊答曰諸通慧者假託名可忘無所著普了衆行无有聲聞緣覺之事名諸通慧採一切念而療治之名諸通慧而皆分別諸所至趣名諸通慧智不可限曉衆生行名諸通慧分識一切隨時而順有

持心經卷第二 第二品 諸

所學不復學緣覺之慧無所不達應
所現教名諸通慧等療隨行順不失
時名諸通慧曉知諸藥所可療名
諸通慧滅除衆病名諸通慧拔諸星
閭荷著根原名諸通慧常三昧定名
諸通慧了一切法无有疑網名諸通
慧究竟普達靡所不知開暢世間度
世之慧名諸通慧綜練分別所說同
倫一切敏達梵天是故名諸通慧於
是持心梵天白世尊曰至未曾有天中
之天諸佛世尊而無有心因慧名心心
本清淨如來至真究竟曉了衆生心
行唯然大聖若有族姓子族姓女聞
諸通慧其誰不發无上正真道乎乃
致斯類無量之德興發殊特於是明
細菩薩白世尊曰假使菩薩希聖名
德而志道者則為不慕佛道不立大
乘所以者何一切諸法則无名德無
有伴黨天中天斯非菩薩之名德也
天中天無有緣應尔乃名曰建志佛
道因於大哀欲滅衆生苦患惱故忍
於已勞不以厭倦不畏終始以元量
致不斷佛教故護正法故敬聖衆故

持心經卷第二 第三品 諸

又以善法除惡法故諸見脫門以解
度故療除諸病令滅盡故救濟一切
生善度故將順拯拔所受憎故於世間
法无所著故嶮道逐生死令得出故使
度無為粉安隱故唯天中天又諸菩
薩不當疑望不為衆生有所造作而
有怖望亦無所疑天中天菩薩大士
不以苦樂而患戚也天中天何謂菩
薩種姓清淨世尊答曰菩薩不以族
姓轉輪聖王不以帝釋梵天有所生
處種姓清淨菩薩所立能具德本興
發他人衆善之原是為菩薩種姓清
淨又在畜生所生之處則難諸見慈
悲喜護等與法藥除意瑕穢是則菩
薩種姓清淨施為種姓元所怯故戒
為種姓無熱惱故忍為種姓離瞋恚
故進為種姓无懈怠故禪為種姓一
心定故慧為種姓無闇蔽故斯為菩
薩素諸瑕穢不捨道心則為菩薩之
種姓也不樂聲聞緣覺乘故

談論品第七

於是持心梵天白世尊曰薄首童真
在斯衆會默然而坐無所言講亦不

持心經卷第二 第三品 諸

談論佛告薄首童真能樂住說斯法乎
有所及屢屈意分別薄首白佛世尊
所因法義致正覺者又計彼法有言
教乎告曰薄首法無言教又問其法
寧有言辭有所思念講論說乎告曰法
无言辭無所思念亦无論說又問假
使諸法元言無念亦无論說則不可
講持心梵天謂薄首曰仁豈不為他
人衆生講說法乎答曰梵天可講法
性分別二耶報曰不然又問其法性
者不可銜之一切法乎答曰如是報
曰若茲梵天法性无二然而法性銜
一切法何因當為他人衆生講說法
乎又問薄首其有說法計吾我者豈
不謂為二事者乎答曰假使梵天有
所獲致而有所說有聽者乎又問如
來豈不講說法乎答曰梵天如來所
說則無有二所以者何如來無二不
造二事又問假使諸法无有二者誰
造為二答曰衆生猶名而受吾我愚
駭凡夫便造二事其二事者終不為
二何況無數以不造二其真際者則
元有二不造二事又問其無二者寧

可知乎答曰梵天假使可知則為二事其可知者識無二法知教者也如來雖說有至誠法如如者則无所說所以者何又其法者無有文字又問如來說法何所歸趣答曰梵天趣無所趣則為如來之所說法又問如來說法豈不歸趣於泥洹乎答曰梵天其泥洹者寧有歸趣而及還耶又問其泥洹者無有歸趣亦无還反答曰如是如來說法趣無所趣又問聽者云何答曰心等之故又問云何心等答曰如無言教亦无所聞又問如來說法聽者何謂答曰假於法性無所聞者又問當何因由曉了法乎答曰能分別者則不諍訟又問云何比丘意諍訟乎答曰斯者如應此不如應是為諍訟斯有因緣此无因緣是為諍訟斯為欲塵此為結恨是為諍訟斯為善事此不善事是為諍訟斯為奉戒此為犯禁是為諍訟斯當奉行此宜捨離是為諍訟斯有所獲此為時節是為諍訟又謂梵天有名無名與於有數合會之事是皆名曰為

諍訟事如來說法无有諍訟無有漏失無有異行无眾訟理則為沙門沙門无欲平等色像又問何謂比丘奉如來教如佛所言答曰假使梵天遠諸聖遠而見教誠不以為患順如所教而不放逸不在二慧則順言教設貪眾求入不以惑則順言教不諍所志則順言教若護法者則順言教不乱正辭則順言教又問何謂比丘護正法乎答曰假使普行而不乱者則護正法不違法性則護正法又問何謂比丘親近如來順教行諍答曰設使比丘而於諸法不遠不近亦无所見是比丘者則親如來奉順教也為次第行又問云何比丘奉事如來而侍從乎答曰梵天設使比丘身无所造亦无所行无言無意則奉如來為侍從也又問何謂供養如來答曰其不衣食恭敬承順者也又問誰為見如來耶答曰其無肉眼亦无天眼亦無慧眼无所碍者也又問誰見法乎答曰其不滅盡緣起者也又問誰為觀見緣起者乎答曰其有平等不見

起者也若使平等不復起者则无所生又問誰為遠神通者答曰其不起漏亦无所滅者又問誰為學如來所學答曰其无所造者无所起无所捨者又問何謂獲致乎等答曰於諸三界皆无所遠也又問何謂善開化乎答曰於諸法无所著也又問何謂為安乎答曰無吾我者也又問誰為脫乎答曰不為諸縛之所繫綴者也又問誰為度耶答曰不處生死不滅度者也又問漏盡比丘為何所盡答曰梵天於諸所盡而无所盡其諸漏者則無有本了知无本此名漏盡又問何謂誠諦獨諸言辭答曰其能分別解諸難者又問誰為成道答曰愚癡凡夫乃成為道亦不懷來於賢聖事无所歸趣曉了一切終始者也又問其誠諦者當以何見答曰其誠諦者則無有見所以者何其習所見則為虛妄无所觀者為誠諦見又問何所觀者為誠諦見答曰於一切見而无所觀則為誠諦見又問其誠諦者當於何求答曰當於四顛倒中求又問何故

持心梵天經卷第二 第三十五

說斯為何謂耶答曰四顛倒者推其本末彼不永存亦无有安亦無吾我無有嚴淨及與實事其无常者非常亦然其無安者非安亦然其无身者非身亦然其無空者非空亦然又若梵天於一切法无所樂者為求聖諦其求真諦則不知苦便不斷習不造盡證不念由道又問當以何便念由道乎答曰無念造行无不造行除於二事於道无道而求道者於一切法而不可得斯乃名曰為由道耳若於由道無所起者无所不起亦無所斷无不斷無有生死亦无滅度所以者何亦无有起无有不起則為名曰賢聖之道今時梵志大姓之子名曰普行問薄首曰何謂清信士而歸命佛歸命法歸命衆答曰設族姓子不與二見斯清信士則歸命佛應歸命法及與聖衆不自見身不覩他人亦不見佛不自覩已亦不見法則不覩已不見聖衆則不覩已不與諸見則清信士為歸命佛及法聖衆設清信士不入志慕如來之色亦不志于痛痒行識亦

持心梵天經卷第二 第三十五

無造行亦无所知志趣如來是則名曰歸命於佛而於諸法無所想念而於諸法无所同像亦無比類是則名曰為歸命法於諸有形而无所倚亦不志樂於有形者亦不志樂於無形者是名曰歸命聖衆若清信士不得於佛亦不得法及與聖衆則為歸命佛法聖衆普行菩薩又而問曰假使菩薩志求佛道為奚所祈答曰則為所空所以者何道等如空又問云何菩薩謂求道者答曰設使菩薩於一切求而無所求了知諸法已知諸法則了衆生是為菩薩志祈佛道於是普行菩薩自世尊曰唯然大聖何故菩薩名為菩薩佛告族姓子假使菩薩觀邪見類興發慙哀而為分別正見之事誘進衆生使入正道是故菩薩為菩薩也所以者何其菩薩者亦无有御亦無不御為衆生故而心發願為若干種墮於邪見衆生之故而建志願故族姓子菩薩為墮邪見衆生而發慙哀建立道志故為菩薩也於是道意菩薩自世尊曰我各志樂

持心梵天經卷第二 第一張

所名菩薩佛告曰若欲樂者可說之耳道意白佛辭如世間男子女人晝夜精進奉八閻齊無所毀失亦不缺戒如是大聖行菩薩者從初發意未成正覺常八閻齊是故名曰為菩薩也堅意菩薩曰假使菩薩堅固之性行慈具足是故名曰為菩薩也度人菩薩曰譬若如船又如橋梁若有人來悉過度之不以勤勞亦无想念其有喻心如是行者是故名曰為菩薩也棄惡菩薩曰假使菩薩適能等立於佛土者則能蠲除一切衆惡斯則名曰為菩薩也光世音菩薩曰假使衆生適見菩薩則得歸趣志于佛道但察名号則得解脫斯則名曰為菩薩也得大勢菩薩曰舉脚經行三千大千佛之世界一切魔宮悉為之動是則名曰為菩薩也惠嚴菩薩曰假使江河沙劫彼於晝夜懇懃精進若十五日旦夕造行若於一月若十二月若於一年設若千年億百千歲乃有佛

與若復施與江河沙等諸如來淨修梵行然後授決則為衆生而發大哀建立於道亦不想念無有放逸亦无所疑心不懈斯則名曰為菩薩也導師菩薩曰假使衆生墮邪道者為發大哀立之正道不以戲逸有所怖望斯則名曰為菩薩也

大山菩薩曰其於諸法等如大山而無想念斯則名曰為菩薩也

鉤鑲菩薩曰其有所見亦不觀除一切塵勞斯則名曰為菩薩也

勇心菩薩曰假使以心念一切法而發忍辱無所增減斯則名曰為菩薩也

欲師子變菩薩曰其元恐懼而無畏者於深妙法降化諸外異學斯則名曰為菩薩也

無念菩薩曰假使以心入於心者而無有念亦無不念斯則名曰為菩薩也善潤天子曰假使生於諸天宮殿而無涕汗亦不歸於離欲之法斯則名曰為菩薩也

誠言菩薩曰假使轉行於至誠者其言所入如審諦者亦無不諦斯則名

曰為菩薩也

受敬菩薩曰一切見色悲如佛像斯則名曰為菩薩也

常憐菩薩曰見于衆生沒於終始一切諸樂而不興樂我當度脫於衆生類斯則名曰為菩薩也

莫能當菩薩曰唯然世尊不為欲魔之所危陷斯則名曰為菩薩也

常笑喜根菩薩曰踊躍無量諸根欣悅具足已願所作已辦斯則名曰為菩薩也

壞諸疑網菩薩曰其不離意亦元狐疑於一切法斯則名曰為菩薩也

師子童女曰其無女法元男子法而能示現若干種形開化衆生斯則名曰為菩薩也

寶女曰不以珍寶而有所樂唯樂三寶佛法聖衆斯則名曰為菩薩也

離憂施清信士曰設無顛倒亦元迷惑菩薩於道於一切法而無所得亦無所起亦元所滅斯則名曰為菩薩也賢護長者曰設使菩薩假以名号導御衆生至於佛道斯則名曰為菩薩也

寶月童女曰假使常遵童真梵行所施平等無所想念而不習欲何況志求於財富乎斯則名曰為菩薩也

香花菩薩曰如切利天子而以戒香勲塗已形為菩薩者元異香流唯以戒禁之法香也斯則名曰為菩薩也

造樂菩薩曰其不志樂於異法者唯志三法奉侍於佛講說經法教化衆生斯則名曰為菩薩也

持心梵天曰假使菩薩不忘於法亦不慕於諸佛訓典欽尚光明而入趣者斯則名曰為菩薩也

慈氏菩薩曰假使菩薩觀見衆生行慈三昧得齊衆生斯則名曰為菩薩也

薄首童真曰假使菩薩說一切法亦无所說亦無法想亦不興發諸法之念斯則名曰為菩薩也

明納菩薩曰假使菩薩所有光明滅諸欲塵斯則名曰為菩薩也

普花菩薩曰在於十方諸佛國土見諸如來猶如衆花斯則名曰為菩薩也如是諸菩薩各各辯現陳唱本志於是世尊告普行菩薩假使菩薩為諸

其慧眼者不有所見其慧眼者不見有為及與無為所以者何想念有為其无想念則為慧眼光曜達者則已起度所有眼跡以是之故為無所見又問溥首因緣吾我成就平等比丘由是不獲果耶答曰梵天寧可使令無平等者得果證乎不為等療正使遵修不得果證離於想念乃觀獲矣設處憍慢非平等療若有憍慢若不憍慢不得約時又問溥首以何等法而為約時而云約時答曰其法不生亦不令生亦無當生是則諸法之約時也吾說約時則謂此矣又問溥首如是生者為何約時答曰如是約時其不生者是謂為生起度一切諸行所見斯則名曰為平等也又問其平等者為何謂耶答曰平等吾我及與滅度而不為二是則名曰為平等也其平等者無所倚據是謂平等所演平均是謂平等无利與不利誼與不誼是謂平等蠲除一切所可思念是謂平等於時世尊讚溥首曰善哉善哉使說斯言實如所云說是語時七千

比丘漏盡意解二万二千天子遠塵離垢得法眼淨一万亿比丘離於愛欲二百天人發無上正真道意五百菩薩得不起法忍

於是持心梵天白世尊曰溥首童真為作佛事溥首尋時答梵天曰佛无興出何所為法若不作法有所處乎又問溥首世尊不為化無量人至滅度耶仁者不為不可稱計衆生之類造利誼乎答曰梵天无有人類反欲令有乎報曰不也答曰梵天卿反欲令人物之品成就人乎報曰不也答曰梵天卿復欲令如來无昇若無所有令興發乎報曰不也答曰何所人類如來所濟令得滅度報曰溥首其法不生向者所說如茲計之无有生死亦無滅度亦无所獲答曰如是梵天如來至真不得生死亦不滅度又復梵天世尊所化解脱聲聞計於彼等亦无生死亦無滅度則為滅度所謂梵天為滅度者方俗言耳假託名号所謂生死亦習俗言而无終始周旋者也亦無滅度報曰溥首誰當肯

信此言者乎答曰其於諸法无所著者也又問溥首其有所倚為何者乎答曰梵天其有所倚為著虛妄假使梵天彼誠諦者則無其慢於此亦不有所樂也何況當復倚著空乎是故見誠諦者则无所著已無所著则无生死已無生死不離生死已不離生死斯乃名曰為滅度矣又問溥首其滅度者為何志求於滅度乎答曰梵天其滅度者名轉相因為諸識行其慧之行諸行澹泊不有所由則無所處其无所處斯乃名曰為滅度矣无處行者則曰永滅斯為道約時也無有生者是乃名曰為四諦也於是普行菩薩問溥首曰今所說者悲誠諦言也答曰族姓子一切所言皆為誠諦又問溥首其所言者虛妄響像亦誠諦乎答曰實為誠諦所以者何其所言者皆無處所而无所立已得自在名曰誠諦斯一切言悉為誠諦其諸天人如來至真亦說言教計斯諸言亦無若干亦无有異所以者何一切所說皆如來辭一切如來亦无所行

持梵天經卷第三 第六頌

亦無進退其有言辭若復演教皆亦如是言教為教以是之故一切所言平等文字以等文字則能一等於文字矣已能等一切文字者則得自在便能平等一切言辭普行平等又問薄首如來至真豈不分別賢聖言辭無賢聖辭答曰仁者欲令諸賢聖眾為文字教乎復又欲令无有文字賢聖教乎報曰如是薄首答曰其賢聖文字無賢聖文字有想念乎報曰不也答曰是故文字无有想念假使棄捨一切想念斯曰賢聖無有言辭其賢聖者不以文字有所說也无有人想亦無法想猶如伎樂及與大鼓節奏之鼓因緣有聲亦无想念賢聖亦然現有所說而有言辭亦無所著又問薄首如來言曰設聚會者當與二事若講論法若如賢聖而嘿寂然於彼薄首何謂論法何謂聖寂答曰設不諍於佛不反經法不乱聖眾斯乃名曰為講法矣若思法者其志佛者離於色欲所謂法者无為無形所謂聖眾賢聖寂然也復次族姓子其四意止遵

持梵天經卷第三 第七頌

修精勤分別解者斯為論法心無所念於一切法斯則名曰賢聖寂然族姓子其有精勤分別解說於四意斷斯謂論法所論於法於平等者不為平等亦不造取則名聖寂若有遵修講四神足斯為論法設復无身無言无心則名聖寂遵修解說五根五力則為論法又若無聲不信於法則无賢聖擇取諸法專精一意而自建立等成本解脫於諸法而志信之一切所說而志決了行于智慧是則名曰賢聖解脫遵賢聖脫於七覺意則謂論法等察色欲不舉不下得此行者則名聖寂遵修精勤解八聖道是則名曰為論法矣已見種姓之所生處譬如浮筏不著於法不著非法則名聖寂族姓子知其有解了三十七品法之所歸斯則名曰為講論法假使於此以法證身則不離身觀於法者則不離法其有見者而无本見若不見二則不觀二如其所見現在智慧之所見者則不有見其不見者乃名聖寂又族姓子其分別說不我同像

持梵天經卷第三 第八頌

不他同像不法同像斯則論法設不得法離於一切文字之教音聲言說棄除憍慢興發澹泊其心寂然究竟於行斯則名曰賢聖寂然又族姓子若他眾生及餘異人各各觀見斯諸人根為分別說假使定意若心乱者斯諸賢聖為寂然也有所建立而無憤乱

於是普行菩薩問薄首曰如今仁者有所論說吾觀誼歸一切聲聞及與緣覺無有法說无賢聖寂所以者何不能曉了眾生根本不究平等又復薄首誰當說彼有平等意誰為順法住賢聖寂耶當謂如來為平等也諸佛世尊乃能曉了眾生根本而常專定於時世尊告薄首曰實如普行族姓子之所說也諸佛世尊乃能了耳於是賢者須菩提白世尊曰我親面從世尊受告諸比丘若聚會坐當與二事一講論經典二遵賢聖寂設聲聞眾不奉行者何因如來為諸聲聞說斯法言當分別說講論經典若不尔者賢聖寂然世尊告曰於須菩

提意云何諸聲聞衆以無所問能有
講論賢聖寂然而為行乎答曰不也
天中之天故須菩提當造斯觀一切
聲聞及與緣覺无有法說賢聖寂然
於是薄首謂賢者須菩提者舊豈知
如來所見衆生根本於此所造八万
四千行分別說者寧諷誦乎者年於
彼以何智慧而觀解脫答曰不及報
曰卿便定意有三昧名觀衆生心住
此定者便能觀察見衆生心已心他
心而不望聞答曰不及薄首又曰唯
須菩提如來有言八万四千行因其
所行而分別說了於醫藥三昧正受
而不動搖普知一切衆生之心是故
須菩提當造斯觀此非聲聞緣覺地
之所能及唯須菩提有行人緣以空
事而得解脫如來悲知若不因空或
復有人而懷怒行覩見瑕疾因其瞋
恚而得解脫不以慈心如來悲知或
復有人而懷癡行因以講說而得解
脫不以說法如來悲知或復有人懷
等分行不緣空行亦不以觀而得解
脫不以慈心亦不瞋恨而得度世不

以勸讚不以說法而得解脫又復如
來因隨說法應其行根緣取形類而
得解脫如來悲知是故須菩提當造
斯觀如來禪定講說尊法名賢聖寂
於時須菩提謂薄首曰緣覺以是不
住講法無賢聖寂唯有菩薩具足斯
法乃能講說及賢聖寂答曰如來明
其所知靡不通達世尊告須菩提有
三昧名入一切音聲其心菩薩以
此三昧正受定行普具衆德等脩諸
行於是薄首菩薩問普行菩薩曰族
姓子說八万四千行八万四千諸品藏者
是則名曰講說經法曉一切想至滅
寂定此乃名曰賢聖寂然又族姓子
佛以一劫復過一劫分別說此所說
法義斯乃名曰賢聖寂然彼時世尊
告普行曰族姓子乃去往昔過無數
劫不可計會無有限量不可思議余
時有佛名曰普光如來至真興出于
世劫曰名聞世界名愛見普光如來
愛見世界且熟安隱米穀平賤無患
使樂天人繁熾其佛世界以一切寶
合成為地以衆香樹而熏香柔軟細

好辟如妙衣等以衆寶蓮花莊嚴愛
見世界有四百億四域天下一一四
域三百三十六万里一一城郭縱廣
四十万里皆以珍寶自然莊嚴一一
大城有二十郡而為部黨及諸縣
邑一大城所有國主典領無量百
千居民又彼人民敢目所覩但見好
意可意所敬一切衆民悉得念佛三
昧之定以故彼佛世界名愛見設諸
菩薩詣異佛國土則不以樂於他世
界若普光如來說三乘教為諸聲聞
講說經法廣復加意而解釋誼則興
二行宣暢說法聖潛泊行東方世界
有二菩薩止在醫王如來佛土一名
欲盡二名持意詣普光如來所稽首
于地右繞三匝叉手而住彼佛世界
名清淨普說三昧以一事故界名清
淨假使菩薩遠得斯定則捨一切衆
想塵勞便得佛法光明以故世界名
曰清淨過去諸法皆悉清淨當來諸
法亦悉清淨現在諸法亦皆清淨此
名三清淨所以名清淨者謂真清淨真
清淨者亦无所生亦無清淨其清淨

持心梵天經卷第三 第三十條 類
者本源清淨故名本清淨其本清淨

則一切法何所法者而本清淨空則本
淨便皆遠離一切諸法悲為虛妄元
想本淨又一切法則以蠲除諸所思
想邪念之事悲為消滅其元願者則
為本淨一切諸法為不應行為無所
願堪任究竟以離自然能為本淨斯
則名曰本淨明顯本淨光耀如生死
淨泥洹本淨亦復如是如泥洹淨一
切諸法本淨亦然斯則名曰為本淨
也心之顯明猶族姓子虛空无虞無
所志願設姓能一療治塵勞心之本
淨無有虞所无志求則能蠲去塵
勞之欲斯族姓子心本清淨心為顯
明猶如虛空雲霧烟塵不害虛空亦
無所壞亦元所照虛空本淨無能汙
者亦无塵勞是究竟說永無所汙故
曰虛空假使思惟順如應者凡夫愚
戇言發塵勞心之本淨元能汙處以
無能汙是故名曰本末清淨設不染
汙故曰本淨是故解脫為解脫也斯族
姓子清淨世界而普等入彼時世尊為
諸菩薩而分別說聞斯三昧心則趣法

持心梵天經卷第三 第三十一條 類
光明之耀於時盡意菩薩白普光如

來我身曾聞天中之天又斯普入當何
方便而修行乎普光佛告盡意菩薩
諸賢至此為族姓子當行二行何謂
為二分別說法賢聖寂然澹泊之行
又族姓子彼之菩薩因從世尊聞稽
首佛足右繞三匝即時而退尋便至
於別異遊觀於化棚閣因而遵行時
有梵天名曰善光與七万二千諸天
梵俱往詣菩薩稽首足下適見此已
即問菩薩時族姓子輒有所說普光
如來而聚會耶諸比丘坐亦說經言
當行二事分別說法賢聖寂然而无
所念彼族姓子何謂說法賢聖寂然
彼時菩薩謂善光梵天梵天且聽粗
答所問如來目觀分別說耳度於無
極是族姓子乎彼菩薩眾以此二句
而為眾會廣說其義時七万二千梵
天咸發無上正真道意得不起法忍
善光菩薩得普明三昧是族姓子諸
菩薩不可制止無閑辯才興發難問
誰講說法賢聖寂然而開演說於七
万六千歲宣布二句而發遣之不得

持心梵天經卷第三 第三十二條 類
一句之邊崖况復二句於時如來住

在虛空而發斯言止族姓子勿得言
說興於諍訟聞其辭喻諸所言說如
呼聲響所因得脫便而順從因響便
入其辯才者有所分別無盡之行不
可究竟吾發意頃於一劫中若復過
劫若是問誼數彼賢辯不可究竟不
得邊崖卿賢者等不能窮盡辯才之
慧又而復次寂靜佛言寂然澹泊無
有文字誼宜之事又不以利養如供
養利是為誼宜又所救濟心念識之
從如來聞有所解說則時嘿然故族
姓子菩薩一念之頃能歎說百千
劫數所演辯才行此然後當造斯念
而有菩薩名曰魏魏救護盡意在於
人間而說此語普行梵天及二菩薩
所入之地省察往昔豈異人乎勿造
斯觀所以者何尔時盡意菩薩者今
薄首是持意菩薩今普行是善光梵
天今持心梵天是也
力行品第九
於是普行菩薩白佛大聖曰至未曾
有天中之天諸如來世尊道德高妙

乃能如是獲大利義因從精進而常
勤力其懈怠者雖百千佛奈之何耶
唯然世尊其為道者當專精勤薄首
童真問普行曰仁族姓子豈能別知何
所遵修名於菩薩為精勤乎答曰假
使菩薩遵修行者而有所節無所思
念不捨精勤又問何謂精勤而有所
節亦無所念答曰假使行者不想諸
法則而時節為无所念又問何謂如
時而無所念答曰設於諸法悉能奉
行觀見平等則為時節亦无所念又
問豈可能令見等行乎答曰不也設
見平等者則便墮於六十二見不為
平等持心梵天問薄首曰其平等者
不見諸法乃名平等薄首答曰何故
梵天而不見乎報曰除於二事故不
有見無所見者乃為等見又問豈在
梵宮為等見乎報曰何等為見答曰
其所見者如色無本不造差別如有
所見也痛痒行識而无有本等不差別
設使薄首觀於五陰而無本者則為
示現於世間矣為平等見也又問在
於梵宮行何所行答曰盡於諸相則

為是行是為薄首世俗所行又問設
使諸相滅世心相者云何盡於心相
行乎答曰薄首世間之相不為盡也
又問何謂分別為諸相行為世間行
答曰其都盡者則無所盡其有盡者而
不可盡又問梵天如來至真豈不有
云其盡法者謂有為事答曰其盡法者
未曾復盡如來說曰其盡法者謂有
為事又問梵天何謂名曰為有為事
答曰其盡法者名曰有為又問梵天
有為之事為何所立答曰位於元為
自然之度則為有為又問有為無為
斯諸法者有何差別答曰有為元為
諸法之首以方俗事言有差別方俗
說斯是為有為此為無為其有為法
及无為法則無殊別法元有異又問
梵天所言法者為何謂耶答曰所云
法者無有差別是謂為法又問何謂
為言答曰有所屬累有所講說是謂
言說所以者何一切言說平等相像
如來分別為平等也也有所說者不為
差別是故名曰為言說也又復薄首
一切所言為無所言斯則名曰无所

逮得為佛所言平等覺者不有所獲
無所言行又問何謂平等覺佛所念
行答曰不行於色不行諸相不行於
法又問難獲之相而有說法為念行
乎答曰不也其有相者法則無本无
有真實而不差別此為如來之所念
行其所行者為無所行亦无有本亦
無所說亦无所失又問梵天云何如
來成平等覺答曰薄首如來曉了一
切諸法悉為本淨自然元本逮平等
覺以故因号平等正覺
志大乘品第十
於是普行菩薩自世尊曰何謂大聖
名於菩薩志于大乘當何以觀世尊
以頌答普行曰
若志求佛道 未曾慕於色 如色道亦然
斯為意慕道 色與道无異 行者亦如茲
所願無所壞 則道第一慧 无壞義道義
道者無利義 其修第一義 乃為志求道
於陰求佛道 眾種及諸入 曉是為等覺
與道無差別 如使不受法 无上下中間
亦無所棄捐 乃為志求道 若法若非法
不想此二事 以不獲兩緣 乃為志求道

◇高麗大藏經◇

持世菩薩經第三 第六卷 持世菩薩經第三 第六卷

有為則三事 無為則无二 棄捐分別事
乃為修道行 而起度凡夫 住立於寂然
不得賢聖景 世眾枯無著 觀於世間法
處俗如蓮花 遵修尊妙行 乃為志求道
於世所在遊 于彼而造行 俗人所縛著
明哲則解脫 不畏於生死 菩薩志性強
无法而堅固 修行於佛道 設使曉了者
分別於法性 於法與非法 一切无所想
不釋離諸法 專修于佛道 未曾有墮落
彼道无有想 諸法無有相 辟之如虛空
無相不无相 明者不念斯 於行勇方便
善權度無極 則令他眾生 具足所志樂
常摠持正法 住立於平等 是則為正法
在典无眾念 諸佛雖興出 則為無所起
常住於正法 斯能奉經典 一切法現在
如法及非法 所說亦如斯 則住於无本
遵修微妙道 而不了廢事 於諸法亦然
則不受道教 志願於佛道 而以建行悞
則無有慧教 所說无所獲 諸佛慈無量
於法不著法 于彼无所倚 斯道度彼岸
布施志於道 心樂于施捨 降伏一切有
不著於佛道 法不可得勝 亦不可奉受
諸法亦如是 不得心形像 致究竟解脫

持世菩薩經第三 第六卷 持世菩薩經第三 第六卷

曉了一切法 彼修慈哀句 則為無諸見
彼等計吾我 則無有二事 不處於真尚
不慕諸所有 一切行布施 勸助於佛道
布施及道德 不處計有二 禁戒无所行
常立於正道 亦無有想念 言五立禁戒
無為无所生 聖道一禁戒 以故戒清淨
解結如虛空 身如鏡中像 言如呼聲響
了心若如幻 不以戒念悞 斯則遵師教
彼樂於寂然 滅除一切惡 澹泊度无極
所謂禁戒者 則無有二事 悉分別法性
此戒則无漏 忍辱度無極 堪任一切患
眾生亦復然 平等立眾想 不著於虛空
諸法無所住 彼无有罵言 則亦無所有
設節解解身 心不懷怨恨 其心无所住
亦不處外 自觀立四眾 如能忍慈憐
終不為惡行 忍辱猶若地 現在還致此
乃名曰忍辱 斯一切眾生 不能令瞋恚
勤助樂大乘 勢強無所畏 其心意所行
未曾有所著 因從始原際 生死不可知
則以一人故 擔披大力鎧 其法未曾生
豈能壞乎 顛倒之度力 不了於本際
諸種立天眼 法性无思議 曉了如是者
不起无所盡 眾生不了斯 諸法與非法

持世菩薩經第三 第六卷 持世菩薩經第三 第六卷

常精勤此義 顛倒於放逸 諸佛不得入
究竟无所著 無行常被鎧 觀精進老特
選擇一切法 如幻若野馬 彼獲无堅忍
猶如觀虛空 思想於虛偽 猶著無所益
以故說平等 得至于滅度 以此精進義
遵修无所壞 行所行離行 精進取為上
道行為寂然 遵修于空義 勿信於虛偽
厭意畏生死 勇猛樂閑居 明無常如蟻
慧者娛樂禪 神通度无極 如聚閑居然
所住志平等 威儀無想念 在在意常定
本淨等于法 寂然无諸漏 信樂於解脫
於度常等定 斯均等懷來 恒立於平等
不諍乱平等 是故曰平均 不為心見惑
道心一切普 開化於眾生 是故曰平等
常念於諸佛 如來則法身 於色無所著
是故曰平等 意念行經典 若法與非法
其心靡所念 是故曰平等 心念於聖眾
謂眾則无為 離於數无數 明達於禪定
普見諸佛土 十方諸眾生 於眼無有色
不想行有二 或聞一切佛 所可說經法
不以耳音聲 退轉為二想 一切眾生心
一心悉知之 無人亦无意 則無有眾想
識念億万劫 猶江河沙劫 亦无有前後

所知為若茲遊達億千國現神足無限
於時明哲者身口心不乱能分別經典
辨才而獨步講說億千劫法性無所失
智慧度無極方便了五陰遵修无所戲
為人說經法曉了因緣便棄捐所分別
其以塵勞故則了諸清淨因緣得解脫
則無有諸見如是曉眾事諸法无形像
自觀見佛身觀空慧能忍觀終始滅度
一切無所有了智慧本淨於世因所念
以離空眾乃為修行道斯乘為大乘
佛慧无思議撫照於眾生勸此无上乘
計一切諸道斯乘為最尊如是於彼乘
僉了一切學假使一切人靡能限此乘
吾等大乘者聽省濟群生其建志大乘
猶譬如虛空未曾有貪婬於眾生无著
虛空無邊限无色不可見大乘亦如茲
無限无有漏假使一切人志學於此乘
受使亦如斯是乘為殊特設於百千劫
所遵行乘者歎德不能盡大乘之切祚
則棄捐无礙歡達得自在假使此尊經
有人執斯頌終不墮惡趣然後得自由
在天上人間敬斯經亦然吾當授其史
恚使得佛道若聞此經者寂後不恐懼

斯等有正法則立於雅典便為轉法輪
住此經如是一切思惟之退轉于生死
則近等正覺持是經如是其執持斯經
則巨勇猛力降伏眾魔兵大進無極慧
猶如錠光佛授法得法忍其敬此經者
吾亦當授法諸佛无由生救世護乳道
若講斯經者則為造佛事
佛說此頌時分別音聲行之所趣十
千天子則發無上正真道意二千菩
薩得不起法忍千比丘漏盡意解三
万二千人遠塵離垢得諸法眼生
行道品第十一

尔時薄首白世尊曰今日吾省大聖所
說分別厭義其有志願求佛道者則
為希慕於邪見矣所以者何唯然世
尊因獲邪見逮佛道耳欲有所得故
發志願則為方便至于邪見所以者
何天中之天又見其道不住欲界不
住色界不住無色界道无所住以是
之故不當志願譬如男子而取段鐵
燒著火中不欲願火不當手觸所以
者何燒人手故火不自燒取者燒耳
其有志願求佛道者則為求火而自

燒耳唯然世尊道無志求以度二事
而无所趣喻如男子志願虛空吾欲
遊步行於空中其人不能行於虛空
薄首又曰無能成立於虛空者其達
道意如虛空者道無所住則度於二
假使菩薩无有二想建立道意設有
菩薩興為二想志求佛者若念佛道
念于終始設念道者則念邪見假使
念道念滅度者則非菩薩不為行道也
於是持心梵天問薄首曰菩薩何行
應道行乎答曰梵天若有菩薩行一
切法而於諸軌患無所行是為菩薩
欽崇道行起諸行性斯謂梵天為菩
薩者遵尚道行又問薄首何謂菩薩
起諸行界奉修道行答曰離一切著
及諸想行亦復釋置眼耳鼻口身意
如是行者則起行界又問設使起度
為何謂也答曰平等於乘則為起度
等一切法乃為道耳持心又問道云
何住行者方便答曰如彼道矣又問
其道云何答曰梵天又其道者無去
來今是故菩薩淨于三場住於佛道
設如過去若如當來復如現在意同

◇高麗大藏經◇

可起則無行念如是住者則元所住
普住一切若此住者則得達至於諸
通慧又問何名為諸通慧答曰志達
一切不以為智是故名曰為諸通慧
又問何謂為慧答曰所以謂慧元老
別故無異念故又如衆生所有亦如
恙元老特又問何謂衆生答曰其名
本淨衆生澹泊以是之故其名本淨
衆生如是等無老別假使有念道有
老別衆生不同則不順道設道如此
衆生亦然以是之故無有老別則不
得歸為老別也又吾我等道亦平等
道以平等吾我亦等猶斯之故故元
殊別所以者何衆生無我亦无有身
以故無老如身无異一切諸法亦復
如是持心又問如來所說至誠無虛
所以分別斯諸法矣答曰如來未曾
分別說法所以者何如來不得於諸
法也況當分別又問如來豈不現法
教乎是則有為是則無為斯為世事
斯度世行答曰所趣云何孰為於此
分別身行為言教乎報曰不也薄首
又問所謂身者則便起身而滅盡乎

特心見大經卷第三 第二品 狀
答曰不也報曰如是梵天所可言曰
法言教者斯則為與虛空言教其元
言教亦復如是有諸法者所可言教
法元所起亦無所滅元所言教為法
言教設使无法亦無言教斯則元言
所以者何如諸法教其無言教亦復
如是是故名曰元所言教如來所住
則無所住無所住者故曰無本
歎品第十二
於是四天王天帝釋梵忍積天來在
衆會則以天花供養散佛致敬以訖
而說斯言若族姓子族姓女假使得
聞薄首童真所說經法歡喜信者則
便降魔及外異學所以者何則離一
切諸見之想設令聞說此深妙法不
恐不怖亦不懷懷則為諸佛之所建
立法流布度則為如來送其土地間
此法者則當察彼為轉法輪若於耶
國丘聚縣邑州域大邦遊步經行觀
此經典所流布者終不為魔之所得
便亦不迷惑亦無所拘於往古世患
造行已若人耳聞斯經名者以比丘
句不求減度不用魔事當受斯經唯

特心見大經卷第三 第三品 狀
然世尊斯經典者若遠法明吾等志
信不敢違失如來薄首梵天之教設
若觀見彼法師者吾等當觀如見世
尊當從其人聽受法典隨侍法師此
族姓子常為諸天之所擁護假使有
人得是經典書讀誦持无央數千諸
天子俱共行聽受會中所說
詠德品第十三
尔時世尊讚大衆會及釋梵曰善哉
善哉如尔所云假使三千大千世界
滿中七寶持用布施若一得聞此經
法者斯之功德出彼福上佛言置是
三千大千世界滿中珍寶正使江河
沙等滿中七寶持用興福不如再聞
是經法者其功德本出於彼上族姓
子族姓女設能得聞此經典者若為
利養若為榮色若為財業若為眷屬
為法之主生於天上若在人間求望
豐饒若為邪術異學之法若求音聲
博聞多識又志自在為堅固慧慕得
善友若求神通三達之智欲獲一切
善法功德若以覺意安立衆生令無
苦患若求无為族姓子族姓女當聞

是經受持誦讀廣為人說吾未曾見有受是經至心奉行而無獲者今佛懇懇囑累余等若有從人得聞是經從師和上而聽受者佛不覩見一切世間及俗供養有能奉敬報其恩者所以者何度世之法不以俗養而可畢了其度世法俗間之供不可相比則於世間而無所著世俗之法不可淨畢非勞莫法非以世俗希僥供法而可畢了一切報應而有反復斯經典者元有異事反復之報如所云法度於馳騁而無所行斯則為行其有成就則為恭敬於法師矣則為淨畢一切報恩若入郡國縣邑有所服習分衛之具多所福度此等之類奉如來教遵修如命則得超度踰於衆冥則堅幢幡斯等勇猛而能戰鬪多所降伏則為師子離諸恐怖則為龍象自抑制心則為神仙所言至誠超越一切諸邪異學以為良醫瘡一切痛為不畏難說深妙法斯等布施拾一切塵則奉淨戒寂然澹泊度於无極以離吾我及所有身為大情進至於無為

○持心梵天所問經

於无數劫患厭終始樂於擇定具足一心為大智慧而能分別一切章句曉了示現諸慧之誼則為大德无數百千福不可計相自莊嚴慧不可極便為覆蓋日月之光為大勢力於十種力持持力要斯等儔倫則為大雲闍法雷音注大法雨則能滅除一切塵勞先獲第一無為滅度則護生死慰除恐懼則為鉅明照耀衆冥畏忌魔網則為救濟令得自歸則為一切衆生之度則度佛樹逮得法眼而以得觀諸法无本曉了空法建立大哀住無極慈則得親近一切衆生背卑劣乘向于大乘燒諸顛倒壞未平等越度名字而舉德号則立道場降伏衆魔於諸魔界而得自在則轉法輪召諸賢者佛設一劫復過一劫咄咄歎此正士之事不能究竟得其邊際切祚巍巍嘉慶如是唯有如來辯才具足能歌歎此奉持法者等行品第十四

尔時于彼衆會之中有一天子名現不退轉白世尊曰何謂奉法遵經典

者世尊告曰天子欲知奉法遵經典者能崇順諸法是則名曰奉遵於法若能崇順一切法者此則名曰奉修於法所以者何其不崇順於諸法者則不造法亦无不造有所作者為無所作斯則名曰奉修於法若不遵修諸善德本亦无不善斯則名曰奉修於法亦不有漏亦無不漏亦无有罪亦无不罪亦非世俗亦非度世亦非有形亦不無形亦非生死亦非滅度亦无所行亦無不行斯則名曰奉修於法若能奉行一切諸法斯則名曰奉修於法無有法想而奉行法斯則名曰奉修於法其自說言吾遵行法不為奉行其奉法者而悲獨除一切諸法則為奉法其於所行而无所行奉行於法斯則名曰奉修於法於時現不退轉天子白世尊曰假使大聖而於此中不行至誠斯等之類不為遵奉不應順法所以者何奉至誠者无有終沒不住生路何所奉行住平等路乃為行耳唯然大聖奉行平等者則无邪法所以者何一切諸法皆

患平等而無殊特於是持心梵天門
現不退轉天子亦為奉行於此行乎
答曰梵天吾當奉行假使世尊說三
行者便當奉行於二事矣有所行者
若所行已則无所行又復梵天吾已
奉行離諸二行猶若諸法奉行諸法
亦復如是遵法亦如所修亦如斯則
名曰奉修法矣又問天子未曾得見
此佛土乎答曰吾未曾見於斯佛土
又問豈為不想斯佛土乎無應不應
於所見者而无所見答曰梵天今者
吾身亦不有想亦無不想不應不應
吾以曾見亦未曾見又問天子天子
所見為云何乎答曰吾未曾見諸賢聖
士一切凡夫愚癡之類度諸惡趣亦復
不度如是梵天其平等者則得度矣名
曰正見觀未曾見亦元有名亦無不
趣眼不別識耳鼻口身意意不別識
亦復如是其有所見如无本者其如
眼者吾我亦然其無本者則无所見
斯平等見

持心梵天經卷第三

癸卯歲高麗國大藏都監卷

勅彫造

持心梵天經卷第四

本

授現不退轉天子別品第十五
三言月三歲三法談詳

今時天帝釋自世尊曰唯天中天猶
摩尼珠所入著處則於其處人目觀
見珠之光明如是世尊斯諸正士奉
行具足無思議法自在所遊普則悉
以法寶光明而自慈照輒便修習顯
耀本際慈悲自由而演辯才其自恣
者則於諸法无所倚著不著彼我自
恣辯者則無反耶亦不顛倒常得自
在自恣辯者淨於性古不得當來不
見現在自恣辯者信諸不信度諸不
脫自恣辯者攝諸憍慢開化自大使
無異定自恣辯者至今諸魔不得其
便有所聽省起度魔事自恣辯者其
諸善法未加勸者則令興發善法已
生進不遠忘塵勞若起使竭除之塵
勞未與今不得生自恣辯者其諸善
薩未被德鎧使得被之其以被者則
不退轉自恣辯者不斷正法將護正
典以是比例辯才之誼則能降伏一

切異學所以者何計於小獸終不能
堪師子之吼見於師子不能自進何
況入窟遊樹間乎如是世尊一切異
學不能堪任演於无上師子之吼於
是現不退轉天子問帝釋曰向所云
師子吼何謂拘翼師子吼乎答曰天
子其於諸法不可倚著亦元言說此
則名曰見師子吼觀無所倚言乎寂
然其有倚著寂然行者為師子吼為
蟲狐鳴見平等處有所說故又復天
子亦當復說何謂所為為師子吼天
子答曰拘翼欲知其不倚著於如來
者亦無言說何況其餘異因緣耶是
故名法為師子吼奉平等教曰師子
吼講說一品曰師子吼聞有所說而
不恐畏曰師子吼若說經法不起不
滅無有自然曰師子吼處於塵勞而
不懷結无有合會亦不解散說如斯
法曰師子吼所以言曰師子吼者若
能專至不計有人而无吾我一切諸
法假習俗言所以言曰師子吼者而
以專一顯揚空法所以言曰師子吼
者口有所講護于正法所以言曰師

子吼者闍除一切衆生苦患當成佛道
宣暢斯教所以言曰師子吼者所念
財業清淨之本而知止足讚揚斯教
所以言曰師子吼者在於閑居不擇
所行布施之本而造九首為師子吼
不捨禁戒為師子吼等心親友及與
怨敵為師子吼不釋宜遠亦无所近
為師子吼除諸塵勞為師子吼等觀
智慧為師子吼天子說是師子吼時
三千大千世界六反震動百千伎樂
不鼓自鳴其大光明普照世間及諸
天宮百千天人舉聲歎曰吾等為已
於閻浮提再見法輪也用此天子師
子吼故今時世尊尋即欣笑佛正覺
法假使笑時無央數光從佛口出青
黃赤白黑紫紅色照於元量不可計
會諸佛世界靡不周遍上至梵天悲
皆覆蔽日月之明繞身三匝還從頂
上入燿然不現持心梵天即從坐起
叉手向佛以偈頌曰

悲非是其地 佛慈為若茲 無量持无限
曉了衆生心 何因說所趣 度脫于衆生
殊勝難可當 從竟之所樂 善拘懷除穢
其光明這出 蔽日月釋梵 通照鐵圍山
億劫諸須弥 願說其旨趣 何緣而感欣
瞋狀以永除 能仁寂清泊 慈愍普觀察
天上及世間 視佛元默足 觀體得利安
所因欣笑者 安住說法義 選擇察諸法
自恣如虛空 若雲霧電煥 虛若聚沫幻
見所有如夢 若如水月中 善哉演說意
何故而欣笑 除一切想見 能仁超度空
諸通慧消穢 常離諸想者 則無三處顧
禪定以平等 所以奮光明 唯正分別說
元文字言碎 不著於音響 安住為說經
不慕衆生法 一一了衆會 欲令曉佛慧
知神足根力 取勝善哉說 佛者為聖王
闍除一切苦 勇猛御至安 濟愚慧放逸
力勢超鈞鐸 人衆悲歸命 光說人神尊
何因而欣笑

等正覺明行成為善逝世間解無上
士道法御天人師為佛世尊世界名
善化劫名淨歎其佛國土當有二寶
以紺琉璃紫磨金色淳菩薩衆降伏
魔怨所居室宅衣食被服當如第六
化應聲天如來殷勤多所開化於是
持心梵天謂現不退轉天子曰如來
已為授仁者史答曰如來已為見授
史矣猶如無本授元本史及與法界
授我之史亦復如是報曰又以無本
及與法界則元有史答曰如來不授
於無本法界之史所說授史一切菩
薩亦復如是不當觀於有所授史又
問仁者不從住由正覺淨修梵行
分別曉了如佛授史乎答曰梵天其
元所習此等瞻類乃修梵行又問何
謂其無所習乃修梵行答曰其不習
于欲界色界及无色界此等之倫乃
修梵行復次梵天無所習居不用我
居不習有人不習有壽不習有命斯
等之匹乃修梵行學要言之假於諸
法不習諸法是乃名曰淨修梵行又
問所言淨修梵行為何謂乎答曰淨

持梵天經卷第四 第六段 續

修梵行不住二道此之謂也又問不住二道為何所立答曰不住二道則為建立一切法言所以者何無所立者則為賢聖之所遵修而得超度又問遵修何等為道行耶答曰有遵修行者不墮於行亦不離行亦復元有行於法者亦復無有離於法者是則名曰遵修道行精順如應又問以何等行而為道行答曰無見元聞無念無知無數无得亦無造證於一切法而無所行是則名曰遵修道行又問何謂菩薩堅固精進答曰假使菩薩而不見法行有一事亦復不見有若干行是謂菩薩堅固精進被戒德鎧設於法界而無所壞已无所壞則無所近亦不離法亦無所遠不見塵勞亦無結恨是為菩薩第一之行為精進也不舉不下於一切法奉修精進假使梵天無身因緣元口因緣無心因緣是為第一精進之行於是世尊讚現不退轉天子曰善哉善哉如汝所云復告持心如梵天如今天子之所說者是為第一精進之行其無身

持梵天經卷第四 第七段 續

行亦元口行亦無心行佛告梵天吾念過去往古久遠世時一切知節寂寞之德專修精進恭敬奉事處在閑居而學博聞於衆生類而行慈愍以何等行一切遵修暴露精進如來不見授於無上正真道使所以者何坐以住於身口意故今時梵天如是色像遵修精進此具足行如今向者天子所言然於後世見銳光佛所見授使當於來世而成為佛号曰能仁如來至真等正覺明行成為善逝世間解無上士道法御天人師号佛世尊是故梵天若使菩薩欲受決當以是此遵修精進曉知諸法而无所行梵天問曰何謂世尊而無所行世尊告曰究竟平等正均空元而為精進何謂究竟平等正均空無而為精進答曰過去心滅當來未至現在不住其滅盡者則不復起設使獲者元有起想如是住者常無所住其為法者設使正法平等興者則无所起無所起者便無過去當來現在設使元有去來今者便為本淨則無所起是為梵天

持梵天經卷第四 第八段 續

究竟平等正均空無而為精進如是菩薩疾得授使則逮法忍具足衆行佛謂梵天設使菩薩於一切法而无所習則曰布施而不將護一切法者則曰奉戒若不思念一切諸法則曰忍辱而於諸法無所因緣則曰精進而以平等一切諸法則曰定意於一切法而無所想則曰智慧斯則名曰不造增益亦不損耗无作不作常行布施無所怖望護持禁戒而等同像遵修忍辱内外清淨奉行精進具足成就禪定一心悲元所著欽尚智慧而無有想如是忍辱具足行者菩薩備行普現衆行悲元所著以無所著等於世法得利不喜无利不感害受毀譽獲名失稱遭樂逢苦設以值此不動不搖不以增減不喜不感已過世間之所有法不以苦患亦不以惱不以肅震無念不念則元二事離諸因緣趣無二法其墮二見發於大哀而興已心開化衆生是為梵天第一精進用獲無我為忍故也則向群黎入大悲哀所生之慶攝取救護佛說是精

進行時八千菩薩得不起法忍佛悉授使當得無上正真之道皆同一字名曰堅強精進如來至真等正覺明行成為善逝世間解無上士道法御天人師為佛世尊各各興於異佛世界今時大迦葉白世尊曰譬諸大龍而欲雨時雨於大海此諸正士亦復如是天中之天猶如大海而興是像放大法雨諸大正士則為巨海心亦若斯以真實性而演法雨佛告迦葉如余所言此諸大龍不以貪嫉而不雨於閻浮提也用閻浮提天下之地不能堪受大雨之滂設使迦葉斯諸大龍而出大雨雨天下者令閻浮提郡國縣邑山陵溪谷漂沒永盡如漂樹葉以是之故諸大龍王不放大雨雨閻浮提如是迦葉斯諸正士不惜法雨而不為人及衆生類演出法澤又復迦葉若器堪任應佛法者斯諸正士則沒海意覺諸衆生如其心念演出法雨譬如迦葉諸龍雨時墮諸大沛猶如車輪大海悉受此之大雨不以為足亦不充滿此諸正士亦復

如是若於一劫若百千劫間所說法又於諸法不增不減不以為滿譬如迦葉彼於大海處處諸水百川四流歸於海者會為一味鹹苦如鹽斯諸正士若干音聲各演異教而今聞法適省聽已悉歸一義為解脫味趣空無味譬如迦葉大海之中而有清淨無垢之寶淨潔元瑕則以不受不時之淨無垢不受一切結恨懈厭瞋怒之瑕譬如迦葉大海之中而極幽深難得其底邊際難限此諸正士亦復如是得了聖慧而甚遠心入玄妙幽奧難量聲聞緣覺所不能及譬如迦葉大海之中蘊元夫數不可計水此諸正士亦復如是積聚種種不可限量智度無極合會諸法故喻大海如是色像則曰正士譬如迦葉大海之中積聚無量若干種寶此諸正士亦復如是以若干教元量法寶自然充滿譬如迦葉大海之中有三部寶真身之寶清水之寶為財業寶此諸正士亦復如是說經法時從人根原心

所應脫而今得度得聲聞乘或緣覺乘或至大乘譬如迦葉大海之中稍稍廣大水漸流入轉成深廣菩薩如是志諸通慧行諸通慧漸得成就於大聖道譬如迦葉大海之中不受死尸不與同處此諸正士亦復如是不習聲聞緣覺之心不與同歸不與貪嫉毀戒結恨懈厭瞋怒心者而與同歸不與懈廢亂意惡智所行者而同歸也不與吾我人壽命見者遊居譬如迦葉若火災變消竭川流大江洲池悉以枯涸然後大海乃盡無餘如是迦葉流布正法普諸土地先以施行習正法然後施於海意衆覺諸正士等正法歸之又復迦葉此諸正士寧棄身命不捨正法諸正士黨流布正法不當復為造如茲觀譬如大海有如意珠名曰金剛諸寶等集踊出七日上至梵天而悉燒化及諸世界三千大千佛土悉盡無餘乃至他方佛言迦葉其如意珠詣異世界當見燒壞未之有也如是迦葉此諸正士盡一切法興顯發起於七正法今世依怙便

◇高麗大藏經◇

持世菩薩經卷第四 第三十二頌

復遊至他方佛土何謂為七諸外異
道隨親惡友墮邪見行轉相賊害受
墮諸見壞諸德本不得等時是為
興顯發起於此七法斯諸正士為如應
器見衆生本遊彼佛國不離諸佛常
見正覺聽於經典勸化衆生殖衆德
本譬如迦葉元央數人含血之類依
於大海遊居其中菩薩如是無央數
人衆庶之類悉來集會而依倚之遊
居同歸歸於三趣何謂為三生於天
上具足人間成就滅度譬如迦葉大
海之中龍阿湏倫而得自在此諸正
士亦復如是普悉降伏一切魔衆於
是耆年大迦葉問世尊唯天中天
計於大海尚可測量竭其邊際此諸
正士不可限量得其崖底世尊報曰
迦葉欲知三千大千世界之中所有
諸塵尚可數知斯諸正士至真之行
不可思議究所歸趣於時世尊說此
頌曰
猶如大海 一切之才 而悉受之
不以厭足 志求法者 亦復如是
好樂正典 不以充滿 猶如大海

持世菩薩經卷第四 第三十三頌

受元量水 悉來歸之 而不拒逆
聰遠之等 亦復如是 不以智慧
而為具足 大海不惡 汙濁之潦
其諸清流 亦復歸趣 遵修行者
亦復如是 而不受諸 塵勞垢穢
猶若大海 不可限量 極廣弘遠
不可卒知 智慧德海 亦復如是
衆生度人 无能解暢 大海之中
若干歸趣 萬川四流 合為一味
若干種人 僉來聽法 悉歸一乘
同誼之典 非一品類 號曰為海
前者成海 而得建立 無所畏者
志願如茲 普為衆生 而興道意
譬如大海 衆寶積聚 則在於彼
而无所著 諸菩薩衆 亦如積珍
而以顯發 成于三寶 猶如江海
而有三寶 雖舍其海 亦無想念
群聖達士 說法如斯 則以三乘
開導衆生 猶如江海 稍益廣大
衆流悉歸 而得充滿 諸菩薩衆
志諸通慧 用群萌故 常遵修行
猶如大海 不受死屍 其海之法
則為如斯 建立菩薩 求道如是

持世菩薩經卷第四 第三十四頌

不將懷身 不與同歸 猶若海中
而生衆寶 須弥為妙 處立堅固
劫燒起時 終不能焚 便則超遊
異佛世界 正法滅時 亦復如是
強精進者 而攬持之 已觀察見
無任器者 便則往詣 他方佛所
谿谷江河 泉原枯竭 然後海水
乃為消涸 劫燒起時 則為若茲
大千世界 悉亦崩毀 凡夫之衆
行在國土 假使正法 已沒盡者
勇猛之徒 護法如斯 朽棄軀體
不惜壽命 已覺正法 欲消滅盡
正覺現在 若滅度後 斯等志性
清淨如是 建立法者 所當遵修
如億衆生 依怙於海 非一品故
而有斯慶 其大名稱 志願如是
一切衆底 心普得解 尚可限量
分別知之 於佛世界 諸有大海
斯等所行 不可別知 緣覺之衆
及諸聲聞 元有等倫 況復出表
諸菩薩行 堅強精進 心如是者
宜為稽首 當得佛道 開度黎元
斯為衆寶 譬如巨海 當供養此

常福德曰 此為良土 上妙醫王
 療治一切 諸赤疾者 便為救濟
 受歸度脫 將護燈鏡 為顯光明
 於闇昧世 興明徹眼 其得眼者
 進成甘露 則為帝王 常曰法王
 斯為天帝 多思誼利 亦為梵皇
 思惟四禪 則便轉於 正法之輪
 斯則導師 開示塗路 處在靜寂
 為現蹟徑 則為勇猛 多所降伏
 蠲除諸塵 為清淨土 道清白法
 如月盛滿 演放光明 猶如日出
 智慧超卓 如演弥山 處於三界
 為雨甘露 斯等難當 猶如師子
 其心調柔 辟如賢象 若如大地
 載諸山陵 降伏一切 諸外異道
 行常鮮潔 辟若如水 威曜難當
 其若如火 元所星尋 猶若如風
 以離懈廢 又若如地 斯等棄惕
 拔離瞋恚 為如藥樹 無有想念
 其戒清淨 元著蓮華 於世八法
 無有依倚 所行辟如 優曇鉢花
 無數億劫 音聲難致 於諸人尊
 則有反復 為住佛教 不斷正典

志願堅強 為懷感氣 造固慈心
 慧悅超絕 則以救護 於五色欲
 善求合會 寂勝財業 斯等布施
 而有殊特 所奉禁戒 則無等倫
 以忍辱力 重意猛猛 精進解達
 而不厭倦 斯等禪定 神足通慧
 往至佛土 無量億姓 得見諸佛
 逮聞經典 如其所聞 則便習持
 則能暢了 眾人之行 隨其所應
 所信諸根 安隱諦學 善權方便
 則為外道 顯示證明 便能通辯
 一切諸法 忿然和同 分別報應
 而能解了 因緣法律 離吾我見
 常在平等 便以觀察 如應順法
 則為曾更 出家學矣 過去當來
 一切諸法 已住於法 綜了法界
 敏識空慧 而無有示 則能興發
 老特矜氣 便能攝護 勤苦眾生
 遵修解脫 所當行法 計有吾我
 而有妄想 愚駭所行 隨邪放逸
 斯等曉練 虛偽之法 而則講說
 蠲除諸見 無常為常 空謂有實
 以苦為樂 非身謂身 凡夫之士

攝取顛倒 而不分別 生死之際
 若能政理 攝顛倒原 則知無人
 無壽元命 已能淨修 平等行者
 則曉非常 苦空非身 迦葉斯等
 名稱功德 所趣柳之 猶若持地
 今聞元量 慧不可限 若能遵修
 菩薩亦然 設使圓滿 三千世界
 悉以敬侍 建志菩薩 供養羅漢
 復倍是數 終不能及 逮菩薩志
 吾亦建立 斯等之類 過去正覺
 當來如是 又今現在 十方聖尊
 為諸建志 欲得佛者
 建立法品第十六
 於是持心梵天問普首童真曰 願勸
 如來至真等正覺令此經典於後未
 世五濁俗時建立流演普首答曰 於
 梵天意所趣云何如來豈為班宣申
 暢於此法乎欲令如來建立法耶報
 日不也定故梵天一切諸法元所建
 立亦無有念亦元言說故無流演亦
 元所護其欲建立斯經典者則為欲
 成立虛空矣設使菩薩遍趣斯典非
 為順法菩薩普入一切徑路而無諍

◇高麗大藏經◇

持心梵天經卷第四 第十八 頌

訟又菩薩者於諸聚會假現名目說經法者則當如茲不為聽經所以者何無所聞者乃為聽經又問普首此為何謂元所聞者為聽經乎答曰眼耳鼻口身意無所流聞乃為聽經其有染汙於諸入者則元所聞便在於虛妄時諸會中諸天子衆三万二千比丘五百比丘尼三百清信士八百清信女斯等咸聞普首童真之所說法應時逮得不起法忍各各舉聲而歌頌曰如是普首誠如所云元所聞者乃為聽經持心梵天問諸得法忍菩薩曰卿族姓子豈為得聞此經典乎答曰已聞梵天無所聞故又問賢者云何曉了斯經典乎答曰如元所知無所不知又問賢者為何所獲逮法忍乎答曰建一切法又問當以何緣歸趣法乎答曰元所至者則歸趣法又問諸賢現在目觀法乎答曰梵天於一切法現在已身衆生志性皆為本淨時衆會中有一天子名離垢英問持心目假使梵天若得聽聞斯經

持心梵天經卷第四 第十九 頌

法者如來則為授受處乎答曰報便授受當得元上正真之道所以者何其法典者則為亡失報應之果積累一切衆德之法便降伏魔及與忿憚斯經典者尋離一切貪欲之諍多所勸化而令喜悅設有信樂斯經典者心懷欣豫而諦執持則獲賢聖平等究竟而善執持斯經典者一切諸佛加威護之設天上世間諸天人民阿須倫而專念向斯經典者得不退轉不見侵斯又斯經典至于道場惠施真諦誦習佛法其有不學則為斷絕於正法輪又斯經法文諸狐疑至賢聖路諦聽經典至解脫故諦持經典欲執御故諦說經典用福慶故善護經典好法訓故加施安隱為經典者歸滅度故不斷經典壞魔異學故當曉歸命於斯經典衆祐元者故斯經典者多所悅喜明達法故斯經典者多所踊躍為慧解故斯經典者御智慧音除一切見所歸趣故斯經典者為導慧響音壞愚癡故斯經典者為善應順隨其所入故斯經典者善究竟

持心梵天經卷第四 第二十 頌

誠次第美辭故斯經典者分別義理說第一故不捨經義不獲聖慧斯經典者則為帑藏給諸虛匱元有熱惱濟衆咸者等諸音響普平等為食遵修慈心樂為禪定積累精進為諸懈怠以禪定意濟諸亂意則以光輝照諸邪智梵天欲知斯則建立於經典矣一切諸佛之所將護時天子說此經典功德所訓時此三千大千世界六反震動世尊讚彼天子曰善哉善哉如汝所言於是持心梵天白世尊曰今此天子本昔曾聞斯經典乎為從過去如來啓受之耶佛告梵天此天子者從六十四億諸佛所悉得聽聞又告持心離垢英身過四十万劫當得作佛号寶燄如來至真等正覺世界曰寶積其於中間諸佛世尊所興起者悉供養之當復得聞於斯經典梵天欲知此諸比丘比丘尼清信士清信女天龍鬼神健沓想應斯經典逮得法忍者皆當生彼寶燄如來佛之國土而現在於寶積世界於時離垢英天子白世尊曰今我坦然不遠求道

亦不願道設不欣樂於佛道者亦元
所依亦不得道亦元所想念何故世
尊而授我決大聖告曰天子知之草
木莖節枝葉華實著於火中若有人
來說言勿燒草木莖節華實令火不
燒未之有也不用彼言而不燒燒如
是天子假使菩薩不悅樂道元所依
倚志不建立亦不願美一切諸佛則
為授決設使天子若有菩薩不志樂
道無所依倚元所建立無所僥願元
所得者斯等菩薩乃為如來所見授
史當得無上正真之道今時會中五
百菩薩白世尊曰余等不建立道元
所志願亦無所得元所欣樂無所依
倚元所想念無所想報時諸菩薩承
佛聖旨察虛空中現於上方八万四
千佛斯諸如來悉授其決當成元上
正真之道彼菩薩白世尊曰至未曾
有天下之天如來善說快乃若茲其
於道法無所欣樂元所依倚無所建
立元有志願無所得者乃為如來而
見授決唯然世尊吾等今見上方去
此八万四千諸佛國土又斯諸佛授

持心梵天所問經 第三卷 持心梵天所問經
我等史當成元上正真之道
諸天歡品第十七

於是普首當貢白世尊曰唯願如來
建立是法使於末後五濁之世流布
天下在閻浮利斯等則為被大德鎧
以三品專致耳聞之若族姓子族姓
女設使興立魔因緣者不隨其教魔
及官屬不得其便以能受此經典要
者不退不轉至於無上正真之道佛
告普首善聽思念斯經典者則當久
存天龍鬼神健查起又有神呪名曰
選擇當分別說神呪句義所持持者
其有法師族姓子族姓女則得救護
為天龍鬼神健查起何須倫也留羅
真陀羅摩腹勒之所救護若族姓子
若行此徑路若在開居若處室宇若
住房舍經行思惟若在眾會順義游
泊執持辯才尋隨方便至於堅強力
勢超異然家盜賊不得其便彼轉如
是寂然經行坐起卧寐如斯普首号
日神呪之句義也
優頭梨頭頭梨 末如 遮如 弥離
栴離栴 鉢鉢 鉢鉢 鉢鉢 鉢

持心梵天所問經 第三卷 持心梵天所問經
留伊拔 鉢鉢 鉢鉢 鉢鉢 鉢鉢
阿那提 揭提 初往至 摩醯
摩那夷摩那 抱提提 薩披提
鵬披婆揭提 新頭鉢 南无佛檀遠
栗提南無曇 晒得 南无僧披臨
多善披扇陀 薩披波披 弥多羅
弥浮提壽 薩遮尼陀羅 披羅摩
那波世多 梨夷波 世多阿致禪
提 薩陀浮陀 迦羅呵 南無佛
陀悉禪提惕 陀鉢

佛所說呪者吉佛諸普首當貢真是為神
呪之句設有菩薩遵修奉行斯經典
者則為已安祥尋後將護而不平暴
靡有乱心其行清淨造次第行而知
止足卧寐寂寂樂於澹泊不習多事
身心寂淨樂于慈哀樂於法樂建立
誠諦元所侵欺存在獨處精進說法
思惟專精樂于道義棄捐除去非義
之念限節燕處以為娛樂則以獲致
為他人說向於法門現于終始親友
怨讎等心加之棄眾想念不惜身命
能觀眾業所行具足樂護禁戒多修
忍力而無虛言面目和悅離於憔悴

持心梵天經卷第四 第三十四頌

元惡顏色先人談言問訊恭恪棄捐
嫉癢樂善柔濡所遊居安是為普首
建立行者若族姓子諷誦斯咒其族
姓子見法師者現獲十力何謂為十
已逮心力未曾有忘至於意力曉了
所念所至力者所入經典元不解達
堅固之力行在生死慙愧之力彼我
悲護憐聞之力具足智慧慈憫持之力
所聞悲攬辯才之力佛所建立而得
擁護深法之力逮得五通不起法忍
力具足通慧佛語普首菩薩若有法
師建立是法諷誦奉持則當逮得此
十種力佛說於此神咒力業所行術
時其四天王驚悸毛豎與無央數百
千鬼神眷屬圍繞往詣佛所稽首佛
足白世尊曰我之枝黨則奉佛教獲
通流跡又我等身若有眷屬將詣族
姓子族姓女為法師者若講說法
獲斯經典奉卷受持諷誦讀者四天
當往將護使得澹泊若在縣邑郡國
州城大邦居家出家我四天王與其
眷屬當擁護此族姓子女供侍奉事
令得安隱無危害者亦無伺求得其

持心梵天經卷第四 第三十五頌

便者若斯經典所可流布國土處所當
令宿衛而四十里諸天神鳩洹眷
屬子孫無得其便今時惟棲勒又護
怨大天王說此頌曰

我所有眷屬諸子及宗親吾能順堪任
供奉此聰達

時惟棲勒曰大天王則說頌曰

吾為法王子以法而化成供養諸佛子
奉建道業者

提頭賴曰大天王即說頌曰

則當為將護普周遍十方其有持斯典
佛正覺所說

惟沙慢曰大天王即說頌曰

若建立道心供養後學者衆生緣供養
不任報其恩

於是意意大天王有太子名曰諦願

以七寶蓋奉上如來尋說頌曰

今我當受斯如來之經典輒為他人說
人心之志性世尊知我心曉了宿世行

如意之所建於世當成佛今奉正覺蓋

其能尊願願我逮如是元見頂相者

正覺唯來時人尊妻慈心清淨目昧察

氣既觀承底世尊則授授智慧度彼岸

持心梵天經卷第四 第三十六頌

於是壽終後則生兜術天兜術天上沒
見弥勒取勝當於三乃歲供養佛乃生
彼則出家已淨修于梵行便於賢劫中
普見一切佛皆悉供養已淨修梵行竟
說六十億劫當得成正覺作佛名寶蓋
佛吉祥莊嚴淳慈諸菩薩常當講妙法
其命壽一劫佛滅度之後悲傷衆生故
正法住半劫

於是釋提桓因與元央數百千天人
眷屬圍繞白世尊曰我當擁護於斯
法師持是典者供養奉事而順其志
其誦說經吾當故往諮受斯法當令
法師勢力強盛辯才次第演說如流
使元諸尊而不遺漏今時天帝釋太
子名曰瞿或七寶瓔珞奉進如來說
此頌曰

世尊我目觀如來之所行又若已尊修
志慕求佛慧古世之所行所施元所冀
我當學斯教布慧諸所有亦為受斯經
然從法王得無數每講說當報導師恩
平等以時節與此經典俱供進飲食饌
奉持佛遺教唯聲聞不任將順斯典詰
哉當說正法詞御於來世唯垂見慰撫

吏斷諸天疑 吾身當久如 得成若能仁
於時尊授受 明達諸通惠 汝當得正覺
如今觀佛身 行億千劫中 若復墮百姪
當為世光明 号曰釁成就
於是梵忍天白世尊曰唯然大聖捨
於憚行則當往詣族姓子女而聽說
法若說此經多所降伏釋梵諸天我
能堪任供養奉事斯族姓子天上世
間諸天人民悉當加敬而奉事之時
梵忍天說此頌曰

其執持此經 比丘比丘尼 清信士女等
則為普濟世 若習斯曲者 歎誦諸至誠
吾唯能堪任 論說於此經 數華當重疊
上至于梵天 以為座坐上 令說斯經法
于彼聲揚聲 善哉所造說 然後於末世
若手執此經 政使億國土 令滿其中火
則當往詣彼 求還聞斯典 寶積如須弥
以此寶施與 因得聞是經 嚴淨千佛土
囑累品第十八

尔時世尊則如其像而出頂光便現
神足感魔波旬與諸兵眾往詣佛所
白世尊曰吾與眷屬於如來前而自
約誓若斯經典所流布處諸郡國土

而有法師教陳經典宣于法會又吾
身誓益當加護令得暢達不興危害
於是世尊獻金色光普照佛土告普
首日如來以為建立斯典并及將護
持經法者加以法恩流布天下閭浮
利城至竟正法不為毀滅于時眾會
普持雜華一切名香散如來上各歎
斯言當令此法而得久住於閭浮利
常令如普靡不周接尔時世尊告賢
者阿難曰當受斯經應曰唯願奉持
佛告阿難斯經志願至于天上用受
持故當為眾會而分別說賢者阿難
白世尊曰其有受持斯經典者若諷
誦讀為他人說其福如何世尊告曰
假使以七寶普用周遍滿於虛空中以
布施者當知其有案如文句說此經
典則為供養如來至真及與聖眾一
切施安若復有人受此經典書著竹
帛執持供養其人現在獲得十藏何
謂為十見佛之藏速得天眼聞法之
藏獲致天耳聖眾之藏得不退轉菩
薩賢聖無盡寶藏速致寶掌像色之
藏則得具相眷屬之藏管從不散元

聞寶藏速得持持志念之藏速得辯
才無畏之藏攝諸異學功德之藏眾
生稟仰聖慧之藏普獲一切諸佛之
法佛說此經時七十二婢天速得法
忍元量眾入悉起道意不可限人漏
盡意解賢者阿難白世尊曰何名斯
經云何奉持佛告阿難是經名等御
諸法當奉持之又名莊嚴佛法復名
持心梵天所問普首所暢當堅奉持
佛說如是普首童真持心梵天普行
族姓子賢者大迦葉賢者阿難諸天
人民阿須倫閭佛所說莫不歡喜
持心梵天經卷第四

癸卯歲高麗國大藏都監
勅彫